

四庫全書

子部

欽定四庫全書

子部

性理羣書句解卷一至

三

詳校官監察御史

臣邱文愷

侍讀<sub>臣</sub>孫球覆勘

總校官進士<sub>臣</sub>朱鈐

校對官編修<sub>臣</sub>于鼎

謄錄監生<sub>臣</sub>馬廷棟

欽定四庫全書

子部一

性理羣書句解

儒家類

提要

臣等謹案性理羣書句解二十三卷宋熊節  
編熊剛大注節字端操建陽人官至通直郎  
知閩清縣事剛大亦建陽人受業於蔡淵黃  
幹嘉定中登進士自稱覺軒門人掌建安書  
院朱文公諸賢從祀祠其仕履則不可考註

中稱通年皇上親洒白鹿洞規以賜南康則  
理宗時人也節受業於朱子是書採摭有宋  
諸儒遺文分類編次首列濂溪明道伊川康  
節涑水諸大儒傳道支派次贊次訓次戒次  
箴次規次銘次詩次賦次序次記次說次錄  
次辨次論次圖次正蒙次皇極經世次通書  
次文而以七賢行實終焉其列司馬光一人  
與後來講學諸家持論迥異考朱子於紹熙

五年冬築竹林精舍率諸生行舍菜之禮於  
先聖先師以周程邵張司馬延平七先生從  
祀集中載其祝文有曰邵曰張爰及司馬學  
雖殊轍道則同歸之語則朱子序列學統本  
自有光後來門戶日分講學者乃排而去之  
節親受業於朱子故猶不敢恣為高論也所  
錄之文亦以七賢為主而楊時羅仲素范浚  
呂大臨蔡元定黃幹張栻胡宏真德秀所作

亦間及焉其上及范質者以朱子作小學嘗錄其詩旁及蘇軾者則以司馬光行狀之故非因軾也明永樂中詔修性理大全其錄諸儒之語皆因近思錄而廣之其錄諸儒之文則本此書而廣之併其性理之名似亦因此書之舊是其文雖習見固亦作樂者之葦籥造車者之椎輪矣剛大所注蓋為訓課童蒙而設淺近之甚殊無可採以其原附此書以

行姑並錄之以存其舊焉乾隆四十六年六月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

提要



欽定四庫全書

性理羣書句解卷一

宋 熊節 編

熊剛大 註

傳道支派

圖

金  
步  
四  
八  
三  
言  
卷一

瀟溪先生  
伏羲文王  
唐堯武王  
虞舜周公  
夏禹孔子  
商湯孟子  
支派

瀟溪周先生

明道程先生

伊川程先生

明道先生支派

濂溪先生明道先生

游定夫	謝顯道	劉質夫
李端伯	呂與時	蘓季明
王信伯	胡康侯	王彥明
林大節	胡安國	李先之
周恭叔	朱子發	陳貴一
陳經邦	陳貴叔	邢和叔
馮聖先	唐彥思	李嘉仲
邵伯溫	謝天中	潘子文
范叔器	范文甫	暢中伯
許景衡	劉安世	吳給

伊川先生支派傳道

漁溪先生伊川先生

劉安世	潘子文	邵伯溫	陳貴叔	趙承議	郭立之	周伯溫	劉宗禮	楊中立	尹和靖	謝顯道	張思叔
朱公掇	范文甫	張閔中	邢和叔	鮑商霖	楊潛道	孟敦夫	林大節	王信伯	蘓子明	劉質夫	暢悅道
馬伸	暢中伯	游定夫	馮聖先	陳貴一	朱子發	李先之	周伯忱	胡康侯	馬時中	李端伯	呂原明
吳給	許景衡	謝用休	唐彥思	陳經邦	譙夢授	周恭叔	周恭先	王彥霖	侯仲良	呂進伯	范淳夫

橫渠

明道先生

呂和叔 呂與叔 薛景庸

先生

濂溪先生

橫渠先生

傳道

支派

伊川先生

蘓李明 侯仲良

康節

陳搏

种放

穆伯長

先生

傳道

支派

李挺之

康節先生

邵伯溫

凍水司馬文正公

上無所傳

下無所授

天資粹美

暗合道妙

晦庵

先生

傳道

支派

濂溪先生

明道先生

龜山先生

豫章先生

延平先生

伊川先生

晦庵先生

黃幹

廖德明

蔡淵

葉賀孫

楊道夫

湯泳

徐寓

陳膚仲

徐彥章

林恪

趙季蕃

李方子

陳淳

蔡沈

呂燾

王子合

任伯起

李閔祖

龔蓋卿

周謨

黃贊

甘節

石子重

程端蒙

蔡模

熊節

輔廣

潘履孫

潘時舉

王力行

方充大

金去偽

黃義剛

蔡元定

林擇之

蔡抗

董銖

萬人傑

潘埴

陳文蔚

潘恭叔

林德久

曾祖道

余大雅



贊贊者讚誦之意六先生贊皆文公親筆而文公未有贊曩先生書畫像自警載諸大全集至今讀之使人

凜然  
起敬

### 濂溪先生遺像贊

此篇贊詠濂溪上續千載不傳之道統

文公先生

道喪千載

道者日用常行之理由堯舜禹湯文武周公而傳之孔子由孔子而傳之顏曾思孟同此

道也孟子歿不得其傳至於我朝蓋千餘載矣

聖遠言湮

聖人之世既遠遠而不相接聖人之言益

湮沒而不可見湮音因

不有先覺

于此之時不有周子先知此理

孰開我人

將何所賴

以啟我後人乎

書不盡言

書者易通之書周子所作也而書不足以盡周子之言

圖不盡

意

圖者太極之圖亦周子所作也而圖不足以盡周子之意

風月無邊

其胸懷洒落猶光風霽月

浩無庭草交翠

生意無息猶庭前之草翠色交如  
如此等氣象豈圖書所能盡哉

### 明道先生遺像贊

此篇贊詠明道  
道德溫粹之容

揚休山立

揚讀為陽休與虛同言氣之充實如陽氣之  
休物也貌之端嚴如山之屹立也見禮記休

合音

玉色金聲

言其色之溫柔如玉色之不變  
也聲之洪暢如金聲之不絕也

元氣之

會

是皆天地真元  
之氣會合于此

渾然天成

間生明道德性渾全出於  
天成不假人力之為也

瑞日祥雲

人之仰其德者如  
瑞日祥雲之間見

和風甘雨

人之被其德者  
如和風甘雨之

著龍德正中

龍乃乾之象九二中正之位聖人具陽剛  
中正之德大而化之猶龍之變化莫測言

明道實具聖人之  
德而在下位者也

厥施斯普

使得其位以行其道則此  
德所施斯極天下莫之能

外矣施  
去聲

伊川先生遺像贊

此篇贊詠伊川  
氣象端嚴之態

規圓矩方

規所以為圓之器矩所以為方之器言其周旋中規折旋中矩也

繩直準平

繩所以取直之器準所以取平之器言其至直如繩全平如準也

允矣君子

信矣此君子之人

展也大成

誠然集大成之美

布帛之文

文章見於世猶布帛然雖無文繡之施實民生

之不可闕菽粟之味

意味之根于理猶菽粟然雖無膏粱之珍寶民食之不可無

知德者

希

知此德者少有

孰識其貴

孰知其為可貴耶

康節先生遺像贊

此篇贊詠康節胸襟豪逸之態

天挺人豪

天所挺生豪傑之人

英邁蓋世

英雄超邁之氣蓋乎一世

駕風鞭霆

御風氣而上下游此雷霆而在下

歷覽無際

遍覽宇宙之間浩無邊方之限

手探月窟

一陰

生于姤是為月窟言邵子能探陰長陽消

之理而姤卦實居先天圖之上故曰手探

足躡天根

一陽

生于復是為天根言邵子獨會陽長陰消

之理而復卦實居先天圖之下故曰足躡

間中今古

間中

靜觀古今之變而萬期須臾也

醉裏乾坤

醉裏玩視乾坤之大而兩間蘊蘊也

橫渠先生遺像贊

此篇贊詠橫渠力學精思之功

蚤悅孫吳

先生初喜孫臏吳起用兵之法蚤音早

晚逃佛老

後來盡奔佛氏老子虛寂

教勇撤臯比

臯比虎皮也嘗在京師坐虎皮說周易及聞二程論易遂撤去臯比之席比音皮

一變至道

由是一變而至聖人之道

精思力踐

精而思之以通其微力而踐之以造其極

妙契疾書

中夜妙合于此心取燭速記其所得訂頑之訓

西銘之書初名訂頑先生所作

以誨學者訂正也丁定切

示我廣居

無非示我以仁道之大而可以安居也以狀仁體之大而可以安居也

涑水先生遺像贊

此篇贊詠溫公清修苦節之美

篤學力行

專志于學勉力而行

清修苦節

清介自修堅苦節約

有德有言

蘊于

內為德發于外為言

有功有烈

著於國曰功及於民曰烈

深衣大帶

身服以深衣束以大

帶張拱徐趨

張手而拱徐步而趨

遺像凜然

一見遺像凜然難犯

可肅薄夫

洗倖之夫

莫不起敬

晦庵先生畫像贊

此篇自述其行已養心之道

從容乎禮法之場

動而此身優游于天理準則之地

沈潛乎仁義之府

靜而此心存養夫實理渾涵之天

是予蓋將有意焉

皆吾之意所欲為

而力莫

能與也

而吾之力恐未及

佩先師之格言

佩服儒先當理之言

奉前烈之

餘矩

奉承前人正己之道

惟闇然而日修

惟知幽隱之中日修之實

或庶

幾乎斯語

庶動遵禮法靜守仁義於斯言得之先生自少而老恪守父師之訓章齊父也劉屏山師

也既冠屏山祝詞云木晦於根春華眩數既長題桃符曰佩韋遵考訓晦木謹師傳皆致意于此故贊亦及之

警學贊

此篇教人卜易之法

讀易之法

誦周易法

先正其心

當前正此心

肅容端席

敬爾容正爾席有

翼其臨

拱手而前有如兩翼即語所謂趨進翼如

于卦于爻

于一卦于一爻如筮斯

得

如有所卜必得其應

假彼象辭

借此易象之言

為我儀則

作我應事之準則

字

從其訓

一字之間必循易之誨

句逆其情

一句之內必探易之情

事因其理

所占之事必因其當然之理

意適其平

所占之意當使其平不可先有所主

曰否曰臧

言凶言吉否音鄙

如日斯見

猶目親見

曰止曰行

言止言行

如足斯踐

猶足

親母寬以畧

母求之以寬則失之畧

母密以窮

母察之以密則失之窮

母固

而可以為可

母堅固母必而通

母期必以為通

平易從容

平易以求從容不迫自

表而裏

由外而內

及其貫之

至于融貫

萬事一理

萬事雖多無越一理

理定

既實

理一定而有實

事來尚虛

事之未來者尚虛

用應始有

及應諸用方有其事

體該本無

體之所該本無一事

稽實待虛

考其理之實以待其事之虛

存體應

用

存是理之體以應其事之用

執古御今

執古之理御今之事

由靜制動

以靜

制事

之動潔靜精微

其體潔靜其理精微

是之謂易

此之謂易

體之在我

惟法

之于

動有常吉

動則永吉

在昔程氏

往昔伊川

繼周紹孔

繼紹周孔之易

與旨宏綱

與妙之旨宏大之綱

星陳極拱

舉宏綱而與旨明猶北極居中而衆星拱

惟

所未啟

惟此未

以俟後人

以待後

小子狂簡

小子狂斐小子文公



自稱  
敢述而申  
述此而重申之

原象贊

此篇指原八卦奇耦之數如三陽畫為乾三陰畫為坤之類

大一肇判

太極分判

陰降陽升

陰降而下陽升而上

陽一以施

陽奇而主發散

陰兩而承

陰耦以順承于乾

惟皇昊義

三皇中太昊氏伏羲

仰觀俯察

仰觀

天文俯察地理

奇耦既陳

奇畫耦畫燦然昭陳奇音幾下同

兩儀斯設

陰陽兩儀由此

而既幹乃夫

既有其幹復生其枝

一各生兩

一奇之上又生一奇一耦之上又生

一耦陰陽交錯

陰陽交五錯雜

以立四象

是為太少陰陽四象

奇加以奇

奇而

曰陽之陽

陽而

奇而加耦

奇上加一耦

陰陽以章

陽與陰燦

欽定四庫全書

性理彙書句解

九

然而耦而加奇耦上又陰內陽外陰在下為內耦復加

耦耦上復陰與陰會二陰交會兩一既分陽一陰二既分而

太陰一復生兩一象之上又各生一奇一耦三才在目

天地人之分八卦指掌八卦之畫如指斯掌奇奇而奇三畫初一

曰乾是為乾卦奇奇而耦二陽上兌次二馬見為兌卦

奇耦而奇下畫一陽上次三曰離是為離卦奇耦而耦

下畫一陽上四震以隨是為震卦耦奇而奇下畫一陰巽

居次五是為巽卦耦奇而耦下畫一陰上坎六斯睹是

坎卦位  
居第六  
耦耦而奇  
下連畫二陰  
上畫一陽  
艮居次七  
是為艮卦  
位居第七  
耦

耦而耦  
三畫陰  
八坤以畢  
是為坤卦  
位居第八  
蓋先天之  
卦乾一兌二離三震四巽五坎

六艮七坤八位  
序之布如此  
初畫為儀  
初畫是  
兩儀  
中畫為象  
中畫是  
四象  
上

畫卦成  
上畫則八  
卦成矣  
人文斯朗  
奇耦分剛柔位尊卑序  
貴賤別人文著見昭然  
因

而重之  
因以八卦又  
演而重之  
一貞八悔  
一本卦為正  
八變卦為  
悔如乾變為八以乾宮

內八卦觀之乾卦為正其七卦為  
悔正是正固之體悔有變易之義  
六十四卦  
變為六  
十四卦  
由

內達外  
貞者正卦為內  
悔者變卦為外  
交易為體  
一陰一陽迭相  
交易而為體  
往此

來彼  
陽自此往  
陰自彼來  
變易為用  
一陰一陽迭相  
變易而為用  
時靜而動  
動  
極

復靜靜極復動也此降帝而王自皇降而帝傳夏歷商

已上言伏羲先天易傳之有夏有占無文雖有占卜未有文字民用弗彰前民之用不顯文王

入歷有商緊象于是文王係之以象辭周公繫爻周公又係之以爻辭視此八卦看此八卦

二純六交乾坤二卦純陽純陰他六卦則陰陽交錯乃乾斯父乾純陽為父乃坤

斯母坤純陰為母震坎艮男震初畫得乾陽為中男艮上畫得乾陽

為少巽離兌女巽初畫得坤陰為長女離中畫得坤

南坎北此以後天易言離在南方屬火主夏坎居北方屬水主冬震東兌西震在東方屬木

主春兌在西乾坤艮巽乾東南坤西南位以四維位于四方屬金主秋

方屬金主秋

之建官立師

建官以掌之立師以誨之

命曰周易

三易夏曰連山商曰歸藏至有周乃

名之曰易此已上皆文王後天易

孔聖傳之

夫子作傳以發明之

是為十翼

十翼者象

辭大象小象乾文言坤文言繫辭上篇繫辭下篇說卦序卦雜卦

遭秦弗燼

遭秦焚書獨免灰燼

及宋而明

及我宋朝而大明

邵傳義盡

邵堯夫傳伏羲先天之卦書

程演周

經

程伊川演周文王後天之書

象陳數列

卦象昭陳卦數並列

言盡理得

言之詳盡

道理由此而得

彌億萬年

過百萬載

永著常式

永作常法

稽類贊

此篇稽考八卦類分之象如乾為天坤為地之義

八卦之象

八卦象

說卦已全

夫子說卦已自全備

考之於經

復窮究之于經

其用弗專

其發用弗專

彖以情言

彖即易之情言

象以像告

象即易之像言

惟是之求

惟以此探索

斯得其要

乃得其大要

乾健天行

乾主乎健故曰

天行坤順地從

坤主乎順屬地而順從乎天

震動為雷

震主震動有雷之象

入木風

巽主柔入為木為風

坎險水泉

坎主險陷為水為泉

亦雲亦雨

又為雲雨

之離麗文明

離主著麗文章光明

電日而火

為日為月為電為火之象

艮止為

山

艮主乎止有山之象

兌說為澤

兌主乎說有澤之象以是舉之即此其要

斯得

其大要可得

凡卦六虛

凡一卦六畫之虛

奇耦殊位

奇耦異處

耦陰

奇為陽耦為陰

各以其類

各從其類

得位為正

得其位則正

二五為

中

二為下又三畫之中  
五為上又三畫之中

二臣五君

二乃臣位  
五乃君位初始上終

初又為始  
上又為終

貞悔體分

內卦為貞  
外卦為悔  
其體既分

又以位應

所占之  
又又觀

變卦所  
應之位

陰陽相求

陰與陽  
相交

乃得其正

斯謂  
之正

凡陽斯淑

則

皆

君子居之

君子  
當此

凡陰斯慝

陰則皆惡  
慝音忒

小人是為

小人  
當此

常可類求

卦之有常者  
可以類求

變非例測

卦之有變者非  
定例可測度

非常

曷變

不有其常  
何有其變

謹此為則

當謹此  
為法則

復卦贊

此篇推明陰  
消陽長之義

萬物職職

萬物之象  
職職動貌

其生不窮

生生本  
無窮盡

孰其尸之

誰其  
主之

造化為工

天地為之主宰也

陰闔陽開

陰氣閉陽氣開

一靜一動

陰闔則靜

陽開於穆無疆

嘆其深遠無窮於音鳥

全體妙用

由此全體達于妙用

奚獨

於斯

何獨于此時

替陽壯陰

藏此陽氣于老陰之下

而曰昭哉

昭然謂此

天地心

是為天地生物之心

蓋翕無餘

蓋閉藏翕歛已盡

斯闢之始

此乃陽氣

方動之初

生意闢然

馬之出門曰闢喻生物之意方始萌蘖闢音趣

具此全美

有此渾全

美其在于人

在人在人得天地生物之心以為心

曰性之仁

則為性中之仁

歛藏方

寸

渾涵于性之中

包括無垠

包括衆義無垠

有茁其萌

萌動之初如草木始生

有

惻其隱

惻怛隱動

予以充之

自此充達

四海其準

散之天下無非此理如準則然



曰惟茲今惟當此方眇綿之間一脈之陽至微不絕是用齋戒必也

齋戒掩身閉關掩身止色閉關息欲此蓋安仰止義圖

謹慎稽經協傳考易經合易傳敢贊一辭敢取以詔無倦

仰彼伏羲先天之圖以告後之君子無怠於此

### 心經贊

此篇推明舜禹傳授心法之妙

舜禹授受

舜授是道于禹禹受此道于舜十有六言只有十六字人心惟危道心惟微惟

精惟一允萬世心學

萬世之下此其源淵此其源人心

伊何

謂人心者何如生於形氣生於形體氣質之私有好有樂好樂喜也

欽定四庫全書

而不察好有忿有懷忿懷怒也心一于惟慈易流是偏

樂並去聲怒而不得其正從欲是之謂危危殆而難安須臾或放

易至于流易去聲頃刻衆愚從之衆惡道心伊何謂道心者如何根于性命本于

欲縱謂性曰義曰仁宜之理為義曰中曰正中之理為禮惟

之正理無形理則無形可指是之謂微是曰道心則毫芒或失之毫髮

或有其存幾希其能存此二者之間故人心道心曾弗

所失容隙曾弗容間察之必精察之則精如辨白黑使人心

然猶黑白知及仁守以知察之相為始終察之于始守

之易辨以仁守之終更相

為惟精故一

惟能精以察于危微而不雜惟一故中能

一以純于渾融而無間

聖賢迭興

從古聖賢更迭興起體姚法如

姚舜姓如禹姓上

持綱挈維

振其綱舉其維

昭示來世

顯示後世戒

懼謹獨

戒謹恐懼于人所不知已所獨知之地

閑邪存誠

防閑百邪操存一誠

曰忿

曰慾

凡曰忿慾嗜慾之私

必窒必懲

必窒塞必懲治

上帝實臨

有如上天

其敢或貳

凜乎其心

屋漏雖隱

暗室屋漏雖然隱幽

寧使有愧

寧可

使有愧恥者

四非當克

非禮勿視聽言動此四者皆當克治

如敵斯攻

猶遇仇敵必期

攻四端既發

惻隱仁之端羞惡義之端辭遜禮之端是非智之端四者既皆發見皆擴而

充皆當達而充意必之萌意度期必一萌于心雲卷席撤當先去之如雲

之卷却席子諒之生子讀為慈諒讀為良慈良之心油然而生春噓物茁猶春

之撒去氣吹噓萬鷄犬之放人之放其雞犬欲知其求尚知往而求之而收拾放心可

物皆萌芽不然牛羊之牧人之牧其牛羊濯濯是憂猶以其山之萌蘖為憂而保養善心獨不

乎一指肩背一指之養與肩背之養孰貴孰賤何者為貴何者為賤簞食萬

鍾竹器之飯萬鍾之祿食去聲辭受必辨辭受之間亦當辨明克治存養克治人欲

存養交致其功兩用其功舜何人哉彼虞舜果何如哉期與之同豈不

可思與之同耶維此道心維茲萬善之主乃萬善之宗主天之與我上天

賦與此其大者莫此為大斂之方寸方寸心也斂太極在

躬太極渾全之理皆在吾身散之萬事散之事事物物之間其用弗窮其妙用有窮

者若寶靈龜是必如寶愛靈龜若奉拱璧如持奉貴璧奉上聲念茲在茲

心念于此其可弗力其可不為所念相古先民相惟古之先聖相去聲以

敬相傳以敬之一字相與傳授操約施博所執者甚約所施者甚博孰此為先

當熟行此我來作州吾來此領州事茅塞是懼胸襟茅塞是憂言不通也爰

輯格言于是來以滌肺腑以滌蕩肺腑明窓明窓之前案之上

清晝爐熏于清晝熏一爐之香開卷肅然肅然起敬事我天君以嚴

事我天君天心也

君主宰之謂也

性理羣書句解卷一

欽定四庫全書

性理羣書句解卷二

宋熊節編

熊剛大注

訓訓有誨之義管氏弟子職三篇教人遜弟之方文  
公取以為幼學訓字訓一篇乃文公門人程端蒙  
所作文公見之  
謂之大爾雅

學則

此篇述弟子  
為學之法

文公先生

先生施教

先我而生謂父  
兄施其教誨

弟子是則

為弟為子  
即此取法  
溫恭自虛  
顏

恭己謙則所聽受斯見善從之見一善則從聞義

則服則服溫柔孝弟溫親遜長母驕恃力母敢驕慢

志毋虛邪心志毋虛行必正直所行必端正游居有常出處

時必就有德必親近有顏色整齊顏色必肅中心必式中心

有法夙興夜寐早起衣帶必飭雖至衣帶朝益暮習朝有所

習溫小心翼翼小心一此不懈常如此是謂學則是謂之

蚤作此篇述弟子蚤

少者之事為弟子夜寐蚤作在于夜既拚盥漱拚洒掃

室堂盥



手滌齒拚掃也執事有恪各順其事攝衣共盥褰衣供

先生乃作先我而生沃盥徹盥遂沃水于盥待先泛拚

正席廣掃內外復正先生乃坐父兄出入恭敬出入之

敬如見賓客雖無賓客危坐仰師直躬而坐以敬顏色

毋忤顏色毋  
有愧忤

受業對客此篇述弟子受

受業之紀從師受業必由長始必從長者教一周則然

則然其餘則否餘則不凡言與行凡言出于口行思中

為紀

只欲以無過不及為法之常

古之將興

古人興家

必由此始

斷自後此始

至就席

後來者就坐席

狹坐則起

密坐者則當先起

若有賓客

或有賓來

子駿作

為弟為子是必急起

對客無讓

對賓客供給使令不敢亢禮

應且遂行

既應則當便行

超進受命

行進受先生使令

所求不得

凡求待客之物有不得者必

以反命

又必反告先生

反坐復業

于是歸坐復理學業

若有所疑

如或有疑未釋

捧手問之

以手奉書問于其師

師出皆起

迨師出則皆起

至于食時

至于食罷

之時復聚

字訓

此篇推明一字一理之義

程端蒙

天理流行

天以元亨利貞四德運行于上

賦于萬物

界付萬物子與同

是之謂

命

所謂命也

人所稟受

人心稟受此理而為仁義禮智

莫匪至善

莫非純粹至善

是

之謂性

所謂性也

主于吾身

為吾一身之主宰

統乎性情

未發為性已發為情

心介乎中而無統之

是之謂心

所謂心也

感物而動

感于事物而不能不動

斯性

之欲

性之所發則有欲

是之謂情

所謂情也

為性之質

本性聽受之本質

剛

柔強弱

或剛或柔或強或弱

善惡分焉

剛之善者為果毅惡者為強柔善者為慈祥惡者為

弱二者以分

是之謂才

所謂才也

心之所之

此心所適

趨向期

必趨向者定

期其所到

皆由是焉

皆自此始

是之謂志

所謂志也

為木之神

稟得

木之在人則愛之理具在人心則是其發則惻隱之情

神氣發見于外則是之謂仁所謂仁也為金之神稟得金之神氣在人則

為惻怛之情是之謂仁是之謂仁仁也為金之神稟得金之神氣在人則

宜之理具在人心則是其發則羞惡之情發見于外則為

污是之謂義所謂義也為火之神稟得火之神氣在人則恭之理具在

人心則為其發則辭遜之情發見于外則是之謂禮所謂

禮之道理其發則辭遜之情為辭遜之情是之謂禮謂

也為水之神稟得水之神氣在人則別之理具在人心則為分

其發則是非之情發見于外則是之謂智所謂智也人倫事

物君臣父子夫婦長幼朋友當然之理理有當然是之謂

之倫事事物物酬應之際然有當然是之謂

道所謂行此之道踐履有得于心有所得是之謂德所謂

德也真實無妄確然真實是之謂誠所謂循物無違靠事

無所違背是之謂信所謂發已自盡發諸已者無一毫不盡是之謂忠

忠所謂推已及物推己之心以及乎人是之謂恕所謂無所偏倚此

未發無所偏倚斜無所倚著是之謂中所謂發必中節此心已發無一

是之謂和所謂主一無適心主此一是之謂敬所謂始

終不二自初及末是之謂一所謂善事父母能順承是

之謂孝所謂善事兄長能敬兄及年齒長我者是之謂悌所謂天

命流行

天道運行

自然之理

自然而然之道理不待假借作為

人所稟受人

得以稟受于天

五性具焉

仁義禮智信之性以具

是曰天理

是謂天理人性感

物人性感觸于物而動

不能無欲

豈能無所欲

耳目鼻口

耳之于聲目之于色鼻之

于吳口

斯欲之動

四者皆是

是曰人欲

是謂人欲

無為而為

無為之為音謂無所求而為

天理所宜

合于是

是之謂誼

所謂誼也

有為

而為

有為之為音謂有所求而為

人欲之私

動于欲

是之謂利

所謂利也

純粹無妄

純美精粹真實無妄

天理之名

合于天

是之謂善

所謂善也

兇暴無道

兇狠暴戾所為悖道

不善之名

得不良

是之謂惡

所謂惡也

物我無照

已之與物相視如一

曠然無私

洞然八荒照無所私

是之謂公

所謂

公蔽于有我

蔽塞人欲惟知有己

不能大公

不能達于大公之道

是謂之私

所謂凡此字訓

此凡是為

蒐輯舊聞

無非採錄往訓以編類之蒐音搜輯音七

嗟爾小子

後學

敬之戒之

敬其當為戒其不當為

克循其名

能隨其字

之深惟其義

深思其字之義

以達于長

上以問于師長長上聲

以會于學

下以詢審問

明辨

審其問明其辨

精思篤行

精于思力行孜孜勉焉

勸汝惟以此自勉

聖可賢致

則聖人地位可由賢而致

戒

戒者警戒之義

子弟戒

此篇戒子弟躁求利祿之心文公載之小學書中

范魯公質

戒爾學立身

戒爾當學立身之道

莫不先孝悌

無如孝順悌遜之德

怡怡奉

親長

和其顏色以奉其親事其長怡和也長上聲

不敢生驕易

不敢萌一驕貴慢易之心

戰戰兢兢

恐懼又復凌兢

造次必於是

雖頃刻之間亦必于是

戒爾學

干祿

戒爾學為求祿之人

莫若勤道藝

無如盡力道德文藝

嘗聞諸格言

曾

聖賢之至言

學而優則仕

學而無不足則可入仕

不患人不知

不憂人不知己之

知惟患學不至

惟憂學力之未至無以見知于人耳

戒爾遠恥辱

戒爾當遠去恥

辱之事恭則近乎禮

惟恭敬則可近于禮

自卑而尊人

每自卑下而尊敬于人



先彼而後已

先乎人而後乎我

相鼠與茅鴟

相鼠譏無禮茅鴟刺惡言

宜鑑

詩人刺

宜明詩人興諷之由

戒爾勿放曠

戒爾勿放蕩

放曠非端士

放曠

則非端直之士

周孔垂名教

周公孔子垂世立教

齊梁尚清議

齊國梁國崇尚清虛

之南朝稱八達

東晉稱為八達之士

千載穢青史

千年之下穢汚史冊

戒爾

勿嗜酒

戒爾勿貪于酒

狂藥非佳味

狂惡之藥釀造而成不是好味

能移謹厚

性能移人謹敬

化為凶險類

變為凶強傾險之人

古今傾敗者

自古

及今由此

歷歷皆可紀

歷歷皆可紀錄

戒爾勿多言

戒爾勿多言語

言衆所忌

多言語之人衆人所忌

苟不慎樞機

苟不能謹其言之所發樞戶楯機弩

牙皆以所  
發處言

災厄從此始

災禍自是而起

是非毀譽間

或是或非或譽人或

毀人適足為身累

適足為吾身之累

舉世重交游

舉世之人重其交游

擬結

金蘭契

擬結為金蘭之契類之同如蘭之臭志之堅如金可斷

忿怨從是生

忿怨怨惡

自此

風波當時起

激為風波當時而起

所以古人疾

是以古人所疾惡

遽

蔭與戚施

遽蔭不能俯者戚施不能仰者遽音渠蔭音除

舉世重游俠

舉世重游談輕

俠之

俗呼為氣義

世俗名為氣義之人

為人赴急難

人有危急險難之事則往

而趨之

往往陷囚繫

易至犯法往往自入囹圄自取械繫

所以馬援書

所以

馬援之

殷勤戒諸子

勤拳懇款戒其諸子

舉世賤清潔

舉世賤清修雅潔之

人奉身好華侈

自奉尚榮華侈靡好去聲

肥馬衣輕裘

乘肥馬衣輕裘

揚揚

過閭里

揚揚自得過其鄉里

雖得市童憐

雖得市井之童憐惜

還為識者鄙

又為有識之人鄙薄

我本羈旅臣

質事周世宗後方事太祖故言羈旅之臣

遭逢堯舜

理遭逢堯舜之治

位重才不充

位為相則已重才則不足充此

戚戚懷憂畏

戚戚

然常懷憂畏之心

深淵與薄冰

如在深淵之中如履薄冰之上

蹈之惟恐墜

之

于間惟恐墜落

爾曹當憫我

爾輩當憫念我

勿使增罪戾

毋使我添得罪咎

閑

門斂蹤跡

闕門以斂其跡勿輕出

縮首避名勢

縮頭以避聲名勢位之隆

難久居

丞相之勢位雖尊實難久處

畢竟何足恃

畢竟是何足倚恃

物盛則

必哀

物之盛者其終必衰

有隆還有替

有興隆則必有衰廢

速成不堅牢

下天

事欲急就則不堅固

速走多顛躓

急速而走則必遭躓躓音至

灼灼園中花

灼灼

其盛者園中之花

早發還先萎

雖是開發之早又先零落

鬱鬱澗畔松

鬱鬱而生

者澗邊之松

遲遲含晚翠

雖是秀發之晚經雪經霜不改蒼色

賦命有疾徐

賦命

于天有早有遲者

青雲難力致

事業青雲之上不可以力而致

寄語謝諸郎

寄言

以謝諸郎之進奏者

躁進徒為耳

躁求而進徒耳

言戒

此篇戒人言語躁妄之失

司馬溫公

迂叟曰

迂叟公自稱也

言不可不重也

言之發不可不謹重

子不見鐘鼓

乎汝不見夫夫鐘鼓扣之鳴鏗擊之則其聲豁人洪大音宏

以為異也豁人以為怪以擊之使然豁音榻鐘若不扣而

自鳴如是不曾扣人孰不以為之妖邪人誰不指可以

言而不言當可言之猶扣之而不鳴也正如鐘鼓亦為

廢鐘鼓也是特無用之物而已

事神戒此篇戒人事神之

或問迂吏事神乎迂吏公自稱或問曰應之事神吾事

或曰或人又問何神之事所事曰應之事其心神吾事心或

曰或人其事之何其奉事之如曰若至簡矣至簡不泰

稷不以黍稷祀不犧牲不以牲牛祭惟不欺之為用惟以正直君

子上戴天君子為人上順乎天下履地下足中函心中天地立雖

欲欺之雖欲欺其心其可得乎其能得耶

箴箴者箴戒之義

四箴

伊川先生

程子曰伊川顏淵問克己復禮之目姓顏名回字子淵孔門高弟也

問仁夫子答以克己復禮克己是克去子曰夫子非已私復禮是復還天理又問其條目言

禮勿視

視者目之所睹非禮非禮勿聽聽者耳之所

則禁止

非禮勿言

言者口之所稱非禮非禮勿動動

而勿聽

四者身之用也

視聽言動四者

不正則禁止而勿動

皆身之用而不

能無由乎中而應乎外

四者皆此心之形

制乎外所

以養其中也

就形見處用功禁制

顏淵事斯語

顏淵從事

此所以進於聖人所以能庶幾

後之學聖人者

有後之

言所以進於聖人

學為聖宜服膺而勿失也

視箴

此篇專言非禮勿視

心兮本虛

人之一心本自虛靈

應物無迹

感應出入無迹可執

操之有要

操存

必有視為之則

莫先謹視則猶節也

蔽交于前

物欲之蔽交接于其前

其中

則遷

惑于所見中必移矣

制之於外

禁制于外目不妄視

以安其內

則神識泰定內

斯以

克己復禮

克去己私復還天理

久而誠矣

久則實理流行周旋中禮矣誠實理

也故克己復禮則猶待于用力至于誠則無所用其力

聽箴

此篇專言非禮勿聽

人有秉彝

人有此生便秉執得此彝常之性

本乎天性

本原于天無不善也

知誘



物化

知識誘于外而忘返物欲化其內而莫覺知去聲

遂亡其正

由是所稟之正日以喪亡

卓彼先覺

卓然天民之先覺

知止有定

知止者知其所當止有定者得其所當止

邪存誠

閑邪妄于外存實理于中

非禮勿聽

非禮不聽之矣

言箴

此篇專言非禮勿言

人心之動

心活物也故動

因言以宣

動則因言語而宣達

發禁躁妄

躁輕肆者

也妄虛繆也言語之內

斯靜專

禁其輕肆則內斯靜定禁其虛繆則內斯專一

別是樞機

樞戶楫也機弩牙也戶之闔闢射之

興戎出

好一言之惡或至于合好

吉凶榮辱

得則有吉有失則有凶

有惟其所召發于口者甚輕傷易則誕躁而傷于易則

去傷煩則夫妄而傷于煩則已肆物忤肆縱情也肆已

致出悖來違悖乖理也悖而出者非法不道非法度之

道欽哉訓辭敬此聖賢教訓言辭

動箴此篇專言非禮勿動

哲人知幾明哲之人誠之于思于所思而誠之一志士

勵行立志之士守之于為于所為而守之一事之動不

微為是微之著思是順理則裕順天理而動從欲惟危

動于內為是動于外順理則裕則安而裕

從人欲而動造次克念頃刻之間常思以戰兢自持恐

則殆而危自守惟恐習與性成習謂修于己性謂得于天習聖賢

或陷于欲與聖賢

同歸與聖賢

一矣此篇專言心不可為物所役蘭陵范先生

茫茫堪輿堪天道輿地道俯仰無垠仰觀俯察人於其

間人處于眇然有身一身眇然是身之微此身細微太倉稊米

如太倉中之參然人與天地相曰惟心耳惟此

虛靈之往古來今已往之古孰無此心誰無心為形役

心耳方來之今

苟心無定主  
從耳目之欲

乃獸乃禽

則悖理傷道與禽獸無異

惟口耳目

形也手足

動靜

亦形也

投閒抵隙

從閒缺鏘隙而入

為厥心病

為此心病

一心

之微

之心

衆欲攻之

聲色臭味之欲羣而攻之

其與存者

其能操之存者

鳴

呼幾希

嗟嘆少有

君子存誠

存此誠意君子之人

克念克敬

能念能敬

天君

泰然

心為君主泰然而安

百體從令

四肢百體無不聽命

敬齋箴

此篇言動靜皆不可無此敬

文公先生

正其衣冠

衣冠整也

尊其瞻視

目容端也

潛心以居

潛存此心以自處也

對越上帝

越于也可對于上天也此四句主靜而敬言

足容必重

規行矩步而無躓遽

之態賈遽

手容必恭

東臂拱手而無弛下之狀弛下垂手貌

擇地而蹈一

急行貌

步必擇折旋蟻封

猶曲折回旋旋于蟻垤中踣踣如有循地而行也此四句主動而敬言也已上兩

條皆言處己之敬

出門如賓

行出門便如見賓而不敢易

承事如祭

承一事如主祭

而不戰戰兢兢

畏謹也

罔敢或易

無敢慢易也易去聲此四句亦動而敬也

守口如瓶

謹言語如瓶之貯水而不泄

防意如城

杜私意如城之防寇而甚周

洞屬屬

質慤專一

毋敢或輕

毋敢輕忽也此四句亦靜而敬也已上兩條皆言接物之敬

不東以西

不于東而轉以西

不南以北

不于南而轉以北

當事而存

此

一事則心

靡他其適

更不走作程子曰主一無適之謂敬主一是主此一件無適是無所

往而非敬釋無勿貳以二此心主此一事更勿參以三

適也主動而言不參掉第二事

非惟不參掉第二事惟精惟一此心惟萬變是監事有

亦不參掉第三事主此

此為監臨釋主一也從事於斯從此是曰持敬是謂

主靜而言監平聲從事於斯

敬動靜弗違一動一靜皆表裏交正外貌內心須臾有

間頃刻纔有間私欲萬端物欲之私不火而熱無火而

而躁無水而自寒毫釐有差敬忽之差天壤

易處天地為三綱既淪君臣父子夫婦九法亦斁洪範

之法亦之易位於乎小子嗟爾念哉敬哉此念所存墨卿司戎

墨卿墨之號也 敢告靈臺 敢告之靈臺  
寫為此戒語 敬忽在心也

勿齋箴

此篇言視聽言動當于勿字用功

西山真先生

天命之性

天所賦是為性

得之者人

稟得者惟人耳

人之有心

人生而有此心

其孰不仁

又誰不有此仁

人而不仁

人而仁有此仁

曰為物役

亦為外物所役

耳蕩于聲

耳為聲所搖蕩

目眩於色

目為色所眩惑

以言則肆

言則肆以

動則輕

動則輕易

人欲放紛

欲心放恣紛擾

天理晦冥

天理不明

於焉有

道于此而

禮以為準

禮為準則

惟禮是由

惟禮則行

匪禮勿徇

非禮

勿曰禮伊何

所謂禮者如何

理之當然

理之當如此耳

不雜以人

不問雜以

人一循乎天一率由乎天理勿之為言勿之一語如防水猶防孰

其尸之誰其主此曰心而已謂心而已聖言十六夫子非禮勿視十六字一

字其機勿之一字機牙既幹機牙弩闕利也闕利既動鈞石必隨十三

斤為鈞百三十斤為石弩之最重者必隨之而發我乘我車吾車駟馬交驟乘

馳孰範其驅誰範法其馳驅維轡在手惟韁轡常在手中是以君子所以

君子必正其心必先正其心翼翼兢兢敬謹也不顯亦臨雖處不顯

中亦如上帝監臨萬夫之屯萬人一將之令皆聽一霆鉤颺馳

猶雷之震猶風之馳鉤音宏孰敢干命誰敢犯其威命衆形役之耳目口鼻衆形之役



統于心官

心為之官  
實統治之

外止弗流

外能禁止  
便不流蕩

內守愈安

內

所守愈  
得其安

其道伊何

止之守之  
其道如何

所主者敬

主乎一心  
惟有此敬

表裏

相維

內外交養  
故曰相維

動靜俱正

或動或靜  
俱得其正

莠盡苗長

欲去如  
莠之盡

理明如  
苗之長

醅化醴醇

如糟醅  
醴醇醲  
醅音坯

方寸盎然

此心冲融  
盎音暗

無物不春

物物  
生意

惟勿一言

惟勿之  
一語

萬善自出

萬善皆  
從此出

茲在茲

念此常  
存在此

其永無斁

雖久而  
不厭

思誠齋箴

此篇論誠與思誠  
存天道人道之分

誠者天道

真實無妄謂誠  
乃天之道也

本乎自然

自然而  
無事作為

誠之者

人求盡此誠以人合天由誠之以至于誠由曰天與人

凡天其本則一其初云胡差殊如何等盖累于物盖為

與人其本則一其初云胡差殊差有殊盖累于物盖為

耳所累心為物誘此心為外性遂情移此性為私天理之

真天理之真其存幾希亦甚少豈惟與天與天邈不相

似相去之遠形雖人斯雖其實則物只實則何異于物

皇皇上帝大哉命我以人與我以我顧物之我乃自抑

何弗仁何其不維子思子維此深憫斯世重憫指其本

源指出實理祛俗之蔽以開世俗之學問辨行即博學

之本源祛俗之蔽感祛音驅學問辨行審問明

辨篤統之以思以上四者總擇善固執必擇其善惟日

孜孜惟日狂聖本同狂者聖者其初亦同其忍自棄何忍自棄其天人十

已千人十能之已弗至弗已不至此亦不止雲披霧卷一旦思之而通

猶雲開霧狀太虛湛然蒼蒼之天塵掃鏡空垢去清光自全

清光瞭然無蔽曰人與天人之既判復合其始既判渾然一真

渾全一諸妄弗作一等邪妄無有萌作孟氏繼之孟子繼命曰思

誠乃名之更兩鉅賢更子思孟子其指益明其指意愈分曉大哉

思乎大哉思之一字作聖之本此乃為聖之本根歸而求之苟能反而求之于心

實近非遠

實至近而未嘗遠也

規

規乃規矩之規通年皇上親洒白鹿洞規以賜南康

白鹿洞規

此篇論明倫為學修身處事接物五者之道

文公先生

洞在南康軍唐李渤之隱居學徒常數百人本朝興

國初嘗賜九經又官其洞主明道後廢不治淳熙間

文公守南康請于朝而重初焉故為此規以示學者

父子有親

父子有相親之恩

君臣有義

君臣有相與之義

夫婦有別

夫婦

有分別而不可棄

長幼有序

長幼有次序而不可紊

朋友有信

同門曰朋友同志曰友

交處有信  
而不可欺

右五教之目

以上五者乃教化之條目

堯舜使契為司徒

堯舜帝命契

為司徒之官

敬敷五教

敬布五教者之教

即此是也

只此是也

學者學此

而已

學者學習此而止

其所以學之之序

所以為學次序

亦有五焉

又有五件

其別如左

別具于左方別入聲

博學之

廣學于文

審問之

審問其疑

謹思之

謹思其道理

明辨之

明辨其是

非篤行之

專篤而踐行之

右為學之序

此為學之次序

學問思辨

博學審問謹思明辨

四者所以

金少  
窮理也

此四者皆所以窮究道理

若夫篤行之事

如篤行一事

則自修

身以至于處事接物

則自修吾身以至酌萬事應接萬物

亦各有要

亦自各有其要

其別如左

別具于左

言忠信

言語貴于誠實

行篤敬

行已貴篤厚而恭敬行去聲

懲忿窒慾

懲治忿怒

窒塞嗜慾室音的

遷善改過

遷徙于善更改其過

右修身之要

此四句于身最切故云修身之要

正其誼

是正于合宜之誼

不謀其利

不謀慮便安之利

明其道

闡明道理

計其功

不計較功效

右處事之要

此四句于事上最切故云處事之要

已所不欲

我所欲

所不

勿施於人

不以施于它人

行有不得

行于人而不從

反求諸已

反歸自身求其盡善

右接物之要

此四句于物上最切故云接物之要

熹竊觀古昔聖賢

私竊看往古聖人賢士

所以教人為學之

意

所以誨人為學本意

莫非講明義理以修其身

皆是講究推明義理

修治其身

然後推以及人

而后推闡以教人

非徒欲其務記覽

為詞章

不徒欲專務廣記博覽作為文章

以釣聲名取利祿而已

以鈞取名譽

今之為學者

今世為學之人

既反是矣

既與此相

矣然聖賢所以教人之法

但聖賢所為教人之成法

具存于經

具載于經書中

有志之士

立志君子

固當熟讀深思而問辨之

自當精詳于學

苟知理之當然

誠知理當如此

而責其身

以必然

責諸身斷如此行

則夫規矩禁防之具

則夫設規矩為禁制

防閑之器具

豈待它人設之

何待別人設此

而後有所持循哉

而後能提撕循守乎

近世于學有規

近來于學含有規矩

其待學者為

已淺矣

其待學者之意已甚淺薄

而其為法

所立學規

又未必古人



之意也

未必合古  
聖賢本意

故今不復施于此堂

故今不再  
頒示鹿洞

之而特取凡聖賢所以教人為學之大端

只取聖賢所以

誨人為學  
之大端緒

條列于右

逐條陳  
列如前

而揭之楣間

開揭于  
楹梁中

諸君相與講明遵守而責之于身焉

衆學者同講  
明義理遵守

條目責任于  
身而力行

則夫思慮云為之際

則夫心  
身之間

其所以

戒謹恐懼者

所以敬  
畏者

必有嚴于彼者矣

當更嚴于  
世之學規

其有不然

有不此  
之從

而或出于禁防之外

而反蕩跖  
于禁制防

閑之

則彼所謂規者

則世所  
言學規

必將取之

只得取固  
而用之

不得而畧也有不畧而不用也諸君其念之哉衆學者深思之

性理羣書句解卷二

欽定四庫全書

性理羣書句解卷三

宋 熊 節 編

宋 熊剛大 注

銘 銘者誌也所以銘誌其事

西 銘

此篇論乾坤一大父母人物皆已之兄弟儕輩人當盡事親之道以事天

橫渠先生

乾稱父

乾為天父道也故以父言

坤稱母

坤為地母道也故以母言

予茲藐焉

吾子

此以藐然之身藐音眇

乃混然中處

混含無間而處乎中子道也

故天地之塞

乾陽坤陰此天地之氣充塞于兩間

吾其體

吾資之以為體

天地之帥

乾健坤順此天地之

志為氣之統帥吾其性吾得之民吾同胞人皆資此氣得此理

之如同胞物之生亦本于天故視大君者人

也兄弟然吾父母宗子即乾父坤母之長子其大臣宰相宗子之家相也

即長子家之輔尊高年尊敬老人所以長其長所以長我慈孤弱慈愛

孤藐微弱所以幼吾幼所以幼吾聖其合德聖人與天地合德是兄弟之合

德于父母者賢其秀也賢者才德過人是兄凡天下疲癯殘

疾凡天下疲癯瘠惇獨鰥寡與惇憂獨無子鰥無妻寡無夫者皆吾兄

弟之顛連而無告者也無非吾兄弟之顛倒于時保之

流連無告訴者也

于是時畏天子之翼也

猶子之翼敬乎親也

樂且不憂

樂天而純不憂懼

乎孝者也

猶子之篤孝於親而無愧也

違曰悖德

違背乎親是為悖亂之德害仁

曰賊

賊滅天理賊殺其親故謂之賊

濟惡者不才

長惡不悛世濟其凶故謂之不才

踐形

若能盡得人道而充其形

惟肖者也

是與天地相肖似而不違者也知化是聖人知

變化之道則善述其事

則其所行皆天地之事即窮神是聖人子善能繼述父母之事

神明之德則善繼其志

則其所存皆天地之心即人子善能繼承父母之志二者皆樂天踐形者

不愧屋漏

不自欺于空隅人所不見之地

為無忝

不忝辱于天地即人子無忝爾所生也

存心養性

存其心而不失養其性而不害

為匪懈

不懈怠于事天即人子事親而夙夜匪懈

也此二者畏天而求踐夫形者

惡旨酒

惡美酒而不飲惡去聲

崇伯子之顧養

封

崇國伯爵禹其子也禹惡旨酒所以顧父母之養養去聲

育英才

篤于教育英俊之材 頤封人

之錫類

頤谷掌封疆之人名考叔鄭大夫也能感動不莊公思念其母是錫與爵類使之皆孝也

弛勞而底豫

不敢懈弛其事親之勞而能感其父替瞽之底致悅豫

舜其功也

帝

之功無所逃而待烹

晉獻公太子申生為驪姬所譖或曰不如逃之太子不從姬卒譖之

太子自縊新城而死此所謂無所逃而待烹也詳見左僖四年

申生其恭也

申生之敬恭父命也

體其受而歸全者

人之一身受于父母當體其所受全而歸之

參乎

曾參其人乎將

死而啟手足

勇于從而順令者

子于父母東西南北唯令之從不敢後也 伯

奇也

伯奇之履霜中野是也伯奇周厲王子

富貴福澤

富足貴顯福祿利澤

將以厚

吾之生

所以大奉于我使吾之為善也輕

貧賤憂戚

貧薄卑賤憂苦戚嗟

庸玉汝

于成也

所以拂亂于我使吾之為志也篤庸玉汝用以琢磨汝使成人也

存吾順事

孝子

身存則其事親也

沒吾寧也

沒則安而無所愧于親也文公曰西銘理一分殊

不違其志而已

知其理一所以為仁如其分殊所以為義蓋仁是泛然無愛處義是截然分別處故天地化生萬物則為理一然乾稱父坤稱母其分未嘗不殊民物並生天地之間其理未嘗不一然民稱同胞物稱吾與則其分未嘗不殊與夫合天下之人皆吾兄弟之親其理未嘗不一然至于大君家相長幼聖賢殘疾皆自有等差又其後因事親之誠以明事天之道蓋無適而非所謂分立而惟理一者理一處便有無愛之仁分殊處便有截然之義

不然愛無差等墨氏之仁耳豈足以論  
張子西銘之大旨學者其更細繹之

### 東銘

此篇論戲言戲動  
與過言過動不同

戲言

戲謔之言

出于思也

由思而出

戲動

戲謔之動

作于謀也

自謀而作

發

于聲

戲言發于聲音

見乎四支

戲動見乎身體

謂非已心

自云不是

本于吾心

不

明也

是惑也

明也

是惑也

欲人無已疑

本于吾心

不能也

弗能得也

過言

誤于

言非心也

非其心之本然也

過動

誤于動

非誠也

非其心之寔然也

失于

聲

失于聲音而為言之過

繆

迷其四體

繆迷其四體而為動之過

謂已當然

各

改過遂以為

自誣也

自誣罔其心也

欲他人已從

既憚改而自誣又欲它人

改過遂以為

自誣也

自誣罔其心也

欲他人已從

既憚改而自誣又欲它人



之順從  
誣人也  
是誣罔  
它人也  
或者謂  
或說  
出於心者  
出于心  
思而戲

者  
誣  
歸咎于已戲  
可歸咎責以  
為己之戲  
失于思者  
失于心思  
而過誤者  
自誣

為已誠  
可自誣罔以  
為己之實然  
不知戒其出汝者  
不知警戒其出  
汝心而故為者

反歸咎其不出汝者  
乃歸咎責其不出  
汝心而偶失者  
長教  
咎己戲則  
增長教誡

而慢愈滋矣長  
上聲教去聲  
且遂非  
誣已誠則遂從非  
失而過不改矣  
不知孰甚焉

不知而愚  
莫此為甚

顏樂亭銘

為孔周翰作  
論聖賢相傳授之妙  
此篇

明道先生

天之生民

上天之  
生斯民

是為物則

物者身也則者理也  
有是物必有是則

非學

非師

非篤于學  
非親于師

孰覺孰識

誰明其天  
誰識其理

聖賢之分

生知為  
聖學知

賢分量

古難其明

自古  
難曉

有孔之遇

聖有孔子  
得于親遇

有顏之生

賢有顏子  
生于此時

聖以道化

聖則覺之以  
道而使之化

賢以學行

賢則勉于  
為學而篤

于萬世心目

使萬世之人  
心開目明

破昏為醒

破其昏蒙為此覺  
悟實孔顏有以示

訓也周爰闕里

夫子所居之地為闕  
里周爰即周迴也

惟顏舊止

乃顏子舊  
時所居

巷汙以榛

其巷既汙  
穢而荆棘

井堙而圯

其井復堙沒而  
圯壞圯音否

鄉閭蚩

蚩

鄉閭之間愚暗  
之民蚩音癡

弗視弗履

不能遐想聖賢之遺  
迹廢其地而不視履

有卓

其誰

有卓然任其  
責者誰哉

師門之嗣

是夫子之後  
嗣孔周翰也

追古念今

追古

人之遺迹念有惻其心惻然有良價善諭以良價而得

今日之荒涼發帑出金發帑藏出金巷治以闢巷之廢者治而闢之井濶而深

井之圯者疏而清泉澤物于是有泉之佳木成陰之佳

自然成陰載基載落載治其基亭曰顏樂斬然有亭扁以昔

人有心思昔顏子子忖子度維今之人于此千載之上

由今觀昔千載而上顏惟孔學有此顏子百世之下由今以後顏

居孔作顏樂有亭盛德彌光顏子盛德風流日長遺風

流傳道之無疆是道古今所常古今水不忍廢此井不

忍地不忍荒此地不廢嗚呼正學嗟彼顏氏其何可忘

其何時可忘之哉

克己銘

克己是克去己私也此論仁者藍田先生

凡厥有生

舉凡有生均氣同體皆稟此氣胡為不仁為何

而不公

我則有己

惟知有立己與物已與物對私為町畦自利

分別彼此

勝心橫生

爭勝之心橫恣擾擾不齊紛擾多事

仁者以天地萬物為一體此不仁者也

大人存誠

大德之人心見帝則常

靜定洞明

初無驕吝

了無吝于人驕于己之意無我也作我蠱賊為吾仁之蠱賊

蠱賊害稼蟲  
喻害仁也

志以為帥

志以為主帥

氣為卒徒

氣自聽命如卒徒然奉

辭于天

奉行命令于天

誰敢侮子

外邪客氣誰敢侵侮

且戰且徠

且戰退之且招

徠勝私室

勝去其私室塞其怨室音的

昔焉寇讎

昔為寇讎與我相敵

今則

臣僕

今為臣僕歸我宰制

方其未克

方是私之未勝

窘我室廬

常窘迫我室廬言心

也窘音謹

婦姑勃谿

勃爭也谿空也言婦姑反戾而鬭爭也出莊外物篇谿音兮

安取其

餘

安能取其它哉

亦既克之

亦既去其私意

皇皇四達

此心之公旁通廣達洞然

八荒

洞然八方之遠

皆在我闔

皆在吾闔中

孰曰天下

誰言天下

不歸吾

仁

不在我仁中乎

痒痾疾痛

人之痒痾疾痛

舉切吾身

皆切于吾之肌膚以天地萬物

為一體者也

一日至之

一日克去己私至此地位

莫非吾事

皆我已分內事

顏何

人哉

顏子何如人能克復如此

晞之則是

晞而慕之是亦顏子

書字銘

此篇論寫字亦當持敬

文公先生

握管濡毫

把筆之管漬筆之毫

伸紙行墨

伸開其紙以墨行寫

一在其中

中者

敬也敬

存于心點點畫畫

一點一畫各得其正

放意則荒

縱意則荒疎

取妍則

惑求其妍麗祇以迷惑

必有事焉

必有所事于此

神明厥德

惟神明其德而已蓋指敬也

藏書閣書厨銘

此篇論書皆元聖所作子孫百世當永保之

於穆元聖

嗟嘆夫子之道深遠

繼天測靈

上繼天道窺測其妙

出此謨訓

示此

典籍諸書

惠我光明

惠我使我覺悟

永言保之

願言久長

匪金匪

簠

非黃金滿簠

含英咀華

採摘書中之英咀嚼書中之華

百世其承

相傳百代可常

至樂齋銘

此篇論讀書有味甚于嗜肉有味

呻吟北窓

疾中呻吟于此窓之下

氣鬱不舒

氣鬱抑而不伸

我讀我書

吾

吾如病得甦

恍然覺悟如病之得甦醒

客問此書

客問我所讀之書

中作何

味其中滋

君乃嗜之

汝乃嗜其滋味如此其至

如此極至

趣為子語

促為子言趣音促

無味乃然

書中自有不滋味之滋味所以為可樂之至者

是有味者

凡是有

乃瘡乃羶

瘡乃牛之臭羶乃羊之臭如必天下

之樂

天下至

我不敢知

非我所

至歐陽子

至歐陽修乃傲斯

詩

詩中有至樂

我思古人

古人歐陽修也

實感我心

寔能使我心懷感

惟曰惓惓

不過安和

式鈎且深

自有以鈎取書中之深旨與義

敬恕齋銘

此篇論為仁之功在乎敬恕

出門如賓

出門如見大賓客

承事如祭

奉事如臨大祭祀

以是存之

此即

存之

敢有失墜

無敢有所墜失此四句言主敬

己所不欲

吾身所勿施不欲者

于人

亦不以此

以是行之

即此行

與物皆春

渾然與萬物同一春

施之他人



意此上四句言行怨胡世之人如何一恣已窮物恣已則非敬惟

我所便惟求己之便則不敬謂彼奚邱言于人何孰能反是能

反飲然厥躬其身于墻于羹坐則見之于墻食則見之于羹指下句仲尼子弓

仲尼子弓仲尼孔子字也內順于家在內以此外同于

鄰道在外推此無小無大無小者與大者固時怨悵無是怨痛為

仁之功敬怨兩盡曰此其極功至此敬哉怨哉此敬永

永無數常常無厭

學古齋銘此篇論古之學者為己之

相古先民

觀古聖人

學以為己

所學以求盡其己

今也不然

今之人不如此

為人而已

所學但求知于人

為己之學

所學之為己者先誠其身

踐履先于

之間務其誠寔

君臣之義

處君臣則當盡君臣之義

父子之仁

處父子則當盡父子之仁

聚辨居行

學以聚之問以辨之寬以居之仁以行之

無怠無忽

無有怠惰無有慢忽

至

足之餘

天理充足于身已極其至澤及萬物

而後推其餘

為人之學

學為燦然春華

燦然光彩如陽春一布百物華麗

誦數是力

勤於誦書復逐句而

數以求其義

纂組是誇

求工文章猶織衽

結駟懷金

駟過原

憲之家顏子不以紆朱懷金為樂結駟懷金矜富貴也

煌煌煒煒

彰灼

世俗之榮

俗人以為榮貴

君子之鄙

君子則鄙薄之

維是二者

惟此為己為人二者

其端

則微其肇端

眇綿不察

于幾微間不之致察

胡越其歸

末流如此胡與南越

相卓哉周侯

高哉周君此齊之主人也

克承先志

繼承其先人之志

日新此

齋重新以迪來裔

以啟迪其方來之子孫

此齋何有

此齋中何所有

有圖

有書

有圖軸又有書籍

厥裔伊何

其周侯之子孫又如何

衣冠進趨

皆明著衣

冠儼然進趨

夜思晝行

夜以思之日以行之

諮詢謀度

咨問揆度不恃己能也度音鐸

絕今不為

遏絕今人為人之學而不為

惟古是學

惟以古人為己之學

先難後

獲先用工于難而

匪亟匪徐

不敢欲速亦不敢緩

我則銘之

吾今為銘

齊其以警厥初以警戒其為學之初

求放心齋銘

此篇論操執此心之道

天地變化

天地變化無窮

其心孔仁

以生物為心故天地之心為甚仁

成之在

我

人得天地生物之心為心

則主于身

則為一身之主宰

其主伊何

其所主宰如何

神明不測

神妙明通不可測度

發揮萬變

發施萬事之變

立此人極

以立人道

晷刻故之

頃刻

千里其奔

則奔逐千里之外

非誠曷有

不有冥理以總

攝之何以

非敬曷存

不有此敬以檢束之何以存此心

孰放孰求

或求或放

在我而已

孰亡孰有

或亡或有在我而已更由誰哉

屈伸在臂

譬之一屈伸惟

臂之所為

反覆惟手

譬之一反覆惟手之所使

防微謹獨

苟能即此敬以防其微持此誠

以謹其獨

茲守之常

守此務以為常

切問近思

又切于問而近以思之

曰惟以

相

謂惟以此二者交相用

尊德性齋銘

此篇論人當尊敬上天所賦之性不可為物慾所汨

維皇上帝

於皇上天

降此下民

降此生于此下民

何以予之

將何物賦予之

曰

義曰仁

言有仁與義而已

雖義與仁

敬此而順彼

猶懼弗克

尚恐不能

昏且狂

誰人昏塞狂妄

苟賤汚卑

苟賤而不自貴重汚卑而不及高明

淫視傾聽

視不正為淫聽不正為傾

情其四肢

四體

褻天之明

明命褻音屑

人之紀

慢侮在人倫紀

甘此下流

甘心居于下流

衆惡之委

衆流穢惡皆歸

于此我其監此

吾當察此

祗栗厥心

祗敬莊栗以持此心

有幽其室

雖處幽暗

室之有赫其臨

亦如上帝赫然在前

執玉奉盈

譬之執玉惟恐其墜奉盈惟恐其溢

須

史顛沛

須臾不可離顛沛必於是

任重道悠

負荷者重而道又遠

其敢或怠

安敢

或生怠情之念

詩

詩者志之所之在心為志發言為詩

五言短句

月到梧桐上吟

此篇借物形容聖人清溫之德

康節先生

月到梧桐上

月影方照  
梧桐樹上

風來楊柳邊

溫風方來  
楊柳梢邊院深人

復靜

庭院之際  
人聲之寂

此景共誰言

這般時景果與誰言  
蓋月到梧桐天光瑩也  
風來楊

柳天氣溫也必聖人德性昭融方足語  
此故末復云此景共誰言厥有旨哉

清夜吟

此篇借物形容聖人  
本體清明人欲淨盡

月到天心處

月照天  
之中

風來水面時

風來水  
之上

一般清意味

這般意味極清料得少人知

竊想少得人知此蓋月到天心則  
雲翳盡掃風來水面則波濤不興

此正人欲淨盡  
天理流行時也

安分吟

此篇論安分知幾  
乃是出人之事

安分身無辱

能安本分則身自無辱

知幾心自閒

幾者動之微能識先覺則心自

能雖居人世

我雖居人世之上

却是出人間

却是能自拔于衆人之中克夫

自詠也

天聽吟

此篇論上天之道只是人心之理

天聽寂無音

天聽之高寂然無音

蒼蒼何處尋

蒼蒼高遠何處可尋

非高亦

非遠

然亦非高非遠

都只在人心

近而求之只在此心蓋心函太極所以參贊造化者也何

待求之

高遠乎

感事吟

此篇論善根難培思習難克



芝蘭種不榮

芝蘭雖好種之不茂

荊棘剪不去

荊棘雖惡剪之不去

二者無

奈何

種剪皆無奈何

徘徊歲將暮

遷延歲月之將盡此言善根難培惡習難克因循荏苒老將

至矣先夫詠此以警後學也

### 五言長句

#### 復卦詩

此論陰剝于坤陽萌于復坤復中間為無極天之心尚未變動

冬至子之半

十一月為建子月冬至節正得子之中氣故曰子之半一陽生于此是即復之初爻

也天心無改移

于此見天地生物之心生生不息未嘗有所改變而移易一陽方動

處

是時一陽方始萌動

萬物未生時

而萬物猶未便生

玄酒味方淡

正猶明水

之酒其味甚薄言陽禪也

大音聲正希

咸英之樂其聲甚希

此言如不信

此語如不

信

更請問庖犧

更請問庖犧氏先天學也因河圖而畫八卦重之為六十四闢為方負圖以負

函方負于外者乾盡午中坤盡子中離盡卯中坎盡酉中陽生于子中極于午中陰生于午中極于子中其陽在南其陰在北方于中者乾始于西北坤盡于東南其陽在北其陰在南詳見先天圖說

訪高僉判所居

此篇論隱居之地景物瀟灑之狀

勉齋先生

遠樹分高下

遠地之木或高或下

平洲半有無

平洲之間半有半無

短亭低

密竹

短亭比于密竹則尤低

小艇隱寒蘆

小艇撐入寒蘆而深隱

轉浪漁深

入急浪翻中

斜陽鵝亂呼

日斜墜之時鵝集爭噪

自慚貴公子

我自

愧貴公子如  
高僉判者  
未老賦歸歟  
年未老而已  
上掛冠之請

林居

此篇論隱居之地  
意態清高之狀

西山先生

富貴良非願

富與貴皆  
非我願

林泉畢此身

于林泉之下  
以終此身

酒因

隨量飲

酒隨量而飲  
不至勉強

詩或偶然成

詩偶然而就  
不費思索

秋水

煙釣

秋水則和  
煙而釣

春田帶雨耕

春田則帶  
雨而耕

頽然無縫塔

林中

所居之屋頽然  
如禪塔而無縫

且不費經營

自然而然非  
有所經營

宿方廣寺

此篇狀禪林  
清幽之態

南軒先生

俗塵元迥隔

俗間埃塵  
本與相隔

景物自天成

眼前景物  
渾然天成

山近四

金  
山  
近  
四  
圖

而色青

泉鳴永夜清

泉流徹夜而聲清

月華侵戶冷月光

而冷

秋氣與雲橫

秋氣凌雲而橫

曉起尋歸路

曉來每尋歸路

題詩寄

此情

題此詩以述其情

觀物詩

此篇論陰陽動靜之理

康節先生

地以靜而方

地主靜而體方

天以動而圓

天主動而體負

既正方圓體

一方一負其體各正

還明動靜權

負者動而方者靜而明其動靜之變權變也

靜久必

成潤

地陰而靜久必成潤

動極遂成然

天陽而動極必成然

潤則水體具

潤則

為水而水之體以見

然則火用全

然則為火而火之用以全

水體以器受

水體必須

以器火用以薪傳大用必須以薪而傳體在天地後體質雖見于天地之後

用起天地先用則起于天地之先此用字妙用之用如所謂冲漠無朕萬象森然已具也

感興一首此篇論天地陰陽寒暑運行之氣有理融貫其間以為之主文公先生

昆崙大無外昆崙天形負也旁礴下深廣旁礴地勢方大而無所外

濶礴濶音薄陰陽無停機陰陽二氣流行于天地之間其機軸不暫停止寒暑五來往

故寒而暑暑而音薄皇義古聖神古者伏羲神聖異稟妙契一俯仰觀

天文俯察地理有以見天地對待之體不待窺馬圖

陰陽交錯之象無物不然默契其妙雖

待窺見神馬所負之圖人文已宣朗而剛柔之畫奇耦之數尊卑之等貴賤之位所謂人文者

已燦然昭布 渾然一理貫然非天自天地自地陰陽自

于天下矣 融貫其間所 昭晰非象罔 故冲漠無朕之中而天地陰

謂太極也 昭晰初非蒙昧無可見之 珍重無極翁 我朝周子推而

寔象罔蒙昧也 晰音析 是言陰陽變易之中而有無極

之說盖易所謂易有太極 是言陰陽變易之中而有至

定極之理周子所謂無極而太極是言無定極之中而

有至定極之理無極二字周子發 為我重指掌 于義皇

之故以無極翁言珍重貴重也 畫卦之

後又得周子作太極圖以闡 其義如重指諸掌而甚明

感興二首 此篇論陰陽一太極

吾觀陰陽化 吾觀陰陽升降八絃中 上騰下降八極前

二氣變化 之中絃音宏

瞻既無始

謂其有所始則由前而觀太極動而生陽若以陽動為始則陽之動寔根于陰動之前未

始無靜未見其有所始

後際那有終

謂其有所終則由後而觀動極而靜靜而生陰若以陰靜

為終則靜極復動一動一靜互為其根未見其有所終

至理諒斯存

無始無終運行不息所以

然者信有太極之理默存其間

萬世與今同

雖歷萬世之久與今一同

誰言混沌死

彼莊周且言太極獨立于天地之先及天地既判而混沌死不知氣依理而行天下安有理已死而氣獨行哉

幻語驚盲聾

此特荒誕之語但可驚世之無耳目者少有聰明豈惑于彼之說哉

感興三首

此篇論人心出入之機

人心妙不測

人心之靈神妙不可測度

出入秉氣機

機動處也或出或入隨氣而動

凝冰亦焦火

心有所懼則寒于凝冰心有所愧則熱于焦火

淵淪復天飛

思而深與

或淵而淪思而外馳或天而飛凝冰以入言也焦火天飛以出言也

至人秉元化

至德之人

秉執造化之理而為吾身之主

動靜體無違

一動一靜之間皆體此理而無違戾焉

珠藏

澤自媚

方此心之靜也寂然不動如珠藏在淵而澤自生媚

玉韞山含輝

如玉韞在石而

山自神光燭九垓

及此心之動也感而遂通神光散照乎九天之上

玄思徹萬

微幽思妙通乎

塵編今寥落

自聖人不作心學無傳者在舊編散亂寥落亦鮮有

能知嘆息將安歸

徒有咨嗟嘆息而已其將歸之誰乎

感興四首

此篇論人心陷溺之禍



靜觀靈臺妙

靈臺心也靜而觀之  
一心之靈神妙不測

萬化從此出

經綸萬事皆從

此云胡自蕪穢

如何不自把捉  
而為物欲汚穢

反受衆形役

一心莫識  
為主而役

役于耳目口  
鼻之私欲

厚味分朶順

厚味方嗜甘于朶順而不恥  
朶垂兒順口旁也言欲食

妍姿坐傾國

妍姿可好坐覆其國  
而不悔妍姿美色也

崩奔不自悟

崩摧奔  
放于人

欲橫流之中  
而不悟其非馳騖靡終畢

終身顛倒馳騖而  
無終畢之時也

君看穆天

子汝看周  
之穆王

萬里窮轍迹

造八駿之乘車轍馬迹  
殆遍天下失為主之道

不有祈

招詩

不有祭公謀父作祈招  
之詩以諫止之招音韶

徐方御宸極

則諸侯離心  
徐偃伯于徐

土玉帛而朝者不但三十六國殆將出御君位而文武  
之業隳矣豈不甚可畏哉按所舉穆天子之事特借此

以喻人心之馳騖流蕩若不知止則心失主宰而物欲反據而為之主矣此六義之比也

### 感興五首

此篇論周室君臣之失

涇舟膠楚澤

此言周室衰替之由蓋自昭王無道南游于楚濟漢船人惡之即涇水之舟膠合以

進至中流而膠液遂沉沒于楚江焉

周綱已陵夷

周室紀綱廢墜不振

況復王風降

况又幽王為犬戎所弑王風大壞不同列國

故宮黍離離

平王東遷西周故宮鞠為禾黍離離

之憂玄聖作春秋

孔子作為春秋一經

哀傷實在茲

始于魯隱而當平王東周之始

王哀傷之意寔在于此

祥麟一

以踣

麟出必有聖人在位今明王不興麟出非時其困踣一至

于此踣音匍

反袂空漣而

夫子觀之反袂拭涕重嗟吾道之窮春秋遂作于此而亦絕筆于此

漂淪又百年

自是汨沒又餘百年

僭侯荷爵珪

魏斯趙籍韓虔三家分晉僭竊侯位

周衰不能正其辜反錫命之彼遂得以荷諸侯之珪爵

王章久已喪

章猶法也王者之法久已

喪何復嗟嘆為

亂名分乖典常何用嗟嘆

馬公述孔業

司馬溫公作通鑑欲繼述

夫子春秋之業託始有餘悲

乃託始于初命晉大夫韓趙親為諸侯而致其有餘不盡之悲然此

豈周室陵夷之始耶

拳拳信忠厚

寓意拳拳切至信為忠厚不薄

無乃迷先幾

當是

是諸侯盛大夫強視王室如贅疣耳雖無王命其能使之不自立乎司馬公乃欲托始于此可謂迷惑不知事幾之所先矣

### 感興六首

此篇論漢室君臣之失秉史筆者不能黜魏而尊蜀

東京失其御

漢自桓帝靈帝浸失御下之道

刑臣弄天綱

宦官專恣竊弄威福天綱

即威

西園植姦穢

開西園賣爵置八校尉蹇碩袁紹鮑鴻曹操趙融馮芳夏淳于瓊以崇

植姦五族沉忠良

用單超具瑗左瑄徐擴唐衡五族沉惡滅陳蕃李膺忠良之士黨錮禍也

青青千里草

千里草董卓讖語也

乘時起陸梁

乘時而起陸梁之甚卓初為中郎將

其後廢立燒宮室發諸陵自為相國強梁于一時

當塗轉允恃

魏閹當塗高曹魏讖語也操挾

天子以令諸侯卒成篡奪之計其允恃尤甚于董卓

炎精遂無光

漢之炎運銷滅于此桓桓

左將軍

于此之時有武威左將軍劉備亦漢子孫也獻帝建安三年為左將軍桓桓威武兒

仗鉞

西南疆

仗義起兵于西南之疆以誅操復漢為名鉞斧鉞也

伏龍一奮躍

伏龍諸葛亮也

一奮躍而起鳳雛亦飛翔鳳雛龐士元也亦飛翔而來伏龍

雛也祀漢配彼天羽翼劉備進續出師驚四方出師北伐

震動天意竟莫回然天意不可得而挽王圖不偏昌使

王業不偏盛于西蜀此晉史自帝魏夫陳壽作三國志

漢祚所以不能復振司馬溫公一代之大儒通鑑之

責爾後賢盍更張作盍改而正之乃復因襲其繆世

無魯連子求如魯連子之不肯帝秦千載徒悲傷千載

豈不徒悲傷也感興七首此篇論唐室君臣之失秉史

筆者不能黜武后而尊唐性理庫書句解

晉陽啟唐祚

唐高祖為隋晉陽宮監太宗與裴寂陰謀以晉陽宮人侍高祖因脅以起兵是曰晉

陽啟唐

王明紹巢封

王明王子明也太宗子也巢封元吉封為巢刺王太宗弟也太宗手

家運祚

刀元吉而奪其妻生子

垂統已如此

垂統之主其續亂天倫如此

體宜昏風

繼體之君耳濡目染昏亂之風宜有甚焉

鹿聚瀆天倫

武后本是太宗宮人

後出為尼高宗見而說之使潛入宮立以為

後父子聚麀其亂倫也如此麀北鹿音憂北晨司禍凶

然且使之參預國政擅權自恣猶人家

乾綱一以墜

廢

其子中宗于房陵唐

天樞復崇崇

復立周之宗廟鑄銅為柱名曰天樞高極

于天紀周功德改

淫毒穢宸極

淫毒秦詐宦者以此張易之張昌宗二人易之

唐為周禍莫慘焉

昌宗恣效淫毒狎比武

虐焰燔蒼穹

來俊臣周興扇為酷虐焰焰如火燔

天

向非狄張徒

向非狄仁傑張柬之輩

誰辨取日功

忠憤激切挽回天日

則中宗終廢于房陵誰人能辨此大功取日謂挽回天日

云何歐陽子

如何歐陽秉修撰唐史

筆迷至公

秉史直筆乃迷至公之道徇己私之意

唐經亂周紀

武氏以母后篡竊神

器中宗尚在房陵無恙正如季氏強逼公室而昭公出居乾侯春秋每歲必書公之所在魯未嘗無君也豈以季氏專魯而遂與之歐陽子反紀周之年號以亂唐之歷統可勝嘆哉

凡例孰此容

歐公

之作唐史一凡一例皆擬春秋誰謂凡例而可容此乎

侃侃范太史

惟有侃侃范太史侃侃溫

和淳厚貌范

受說伊川翁

受學于程伊川遂以春秋二太史范祖禹

三策

范撰唐鑑武后之僭每歲必書曰帝在房陵萬如春秋書公在乾侯之例二三策即二三言也

古開羣蒙

使天下後世知有君臣之大義真足以開萬古之蒙蔽也

感興八首

此篇論始乃陰之始復乃陽之始

朱光遍炎宇

赫赫日光遍滿炎宇陽之盛也炎宇夏天也

微陰眇重淵

然外雖盛

而重淵之底其冷如冰是一陰之細已

寒威閉九野

凜凜

寒威閉藏九野陰之極也九野八方與中央

陽德昭窮泉

然外雖盛寒而窮泉之底其溫如春

是一陽之德已顯然萌動于下以卦言之復是也

文明昧謹獨

其在人也陽明勝而德性用苟

有文明之德而昧謹獨之戒

昏迷有開先

陰獨勝而物欲行雖曰昏迷之極而有開先之理



幾微諒難忽

惟其味謹獨故幾微之際惡所萌也信有所不容忽

善端本綿綿

惟其

有開先故善端之充綿綿無窮本有所不可禦

掩身事齋戒

君子于夏至之時必掩身正色屏絕

嗜欲及此防未然

及此而防其陰之未然求以固夫陽也

閉闕息商旅

先王于冬

至之時閉闕息旅安靜休養

絕彼柔道牽

去彼柔道之牽繫求以絕夫陰也

感興九首

此篇論天之非極則人心之太極

微月墜西嶺

新月既墜于西嶺

爛然衆星光

衆星爛然而光明

明河斜

未落

河漢斜界而未落

斗柄低復昂

斗柄低指而復昂

感此南北極

於斯

之時仰觀天象獨見此南北極固有所感

樞軸遙相當

二極相去雖遠而樞軸之運正直相當

太一有常居

南極在下規之中入地三十六度常隱不見北極在上規之中出地三十六度常見

不隱故星日河漢運轉不常惟有仰瞻獨煌煌視之獨北極太一辰星常居其所而不動

有中天照萬國

在天之中臨照萬國

三辰環侍旁

日月星三辰皆環其旁而拱之

人心要如此

正如人心居身之中

寂感無邊方

寂然不動無所倚隨感隨應無邊

無方而耳目口鼻之形無不聽命于我正猶太一居天之中而日月星皆環列其旁然則心為吾身之北極歟

### 感興十首

此篇言堯舜禹湯文武周公傳心之法在乎敬

敬勲始欽明

敬勲大功也或以為堯號自帝堯始盡此欽敬光明之德

南面亦恭己

至舜繼堯端拱南面亦惟知恭敬于己

大哉精一傳

乃舜命禹曰人心惟危道心惟微惟精惟

一允執厥中蓋人心危殆而難安道心微妙而難見必  
精以察于二者之間一以守其本心之正信可操執此  
中精一非敬不可大哉斯萬世立人紀萬世綱常可猗  
言真聖人傳授之心法也

歎嘆日躋

成湯聖敬日躋詩既嘆而美之猗美貌日躋如日之升也

穆穆歌敬止

文王

緝熙敬止詩復歌而詠之穆穆深遠貌止語助辭也

戒嫫光武烈

與夫武王戒謹于旅嫫之訓而

武烈待旦起周禮

周公思得于待旦之頃而制作周禮皆所以持此敬也

恭惟千

載心

恭惟堯舜禹湯文武周公之六七君子相去雖有千餘載而傳心之法不外乎敬

秋月照

寒水

吾想其心淵乎其清湛乎其明有如秋月下照寒水

魯叟何常師

是數聖人傳心之法

不播于書則詠于詩又不則布于周禮仲尼無所不學初無常師祖述堯舜憲章文武無間夏禹夢寐周公亦

何常之  
有哉  
刪述存聖軌

晚年惟刪定詩書修制禮樂是數  
聖人心法之敬盡見于詩書禮樂

之間庶幾帝王軌範  
猶存而來者有考耳

### 感興十一首

此篇論易首乾坤伏羲畫此以  
示後世君子當體乾坤以進德

吾聞庖義氏

我聞在  
昔伏羲

爰初闢乾坤

于此始分闢乾坤布  
之内外畫為方負圖

以負函方負者象天方者法  
地故下句以行布渾方為言

乾行配天德

易曰乾天下  
之至健又曰

天行健蓋天者乾之形體乾者  
天之性情故畫乾以配合天德

坤布協地文

說卦曰坤  
為布主敷

布施生萬物散殊小大呈露繁  
然有文故畫坤以協合于地文

仰觀玄渾周

仰而觀之  
天負而動

玄渾幽而負  
也周運動也

一息萬里奔

一息之間  
奔行萬里

俯察方儀靜


俯而  
察之

地方而靜易曰坤至  
靜而德方儀象也  
頽然千古存  
頽然其順  
悟彼立象

意  
君子悟伏羲畫卦所  
以立乾坤二象之意  
契此入德門  
默有以契合在  
勤

行當不息  
乾道奮發有為法乾之健勤  
敬守思彌敦  
坤

靜重有守法坤之順敬守  
愈篤則業不失而可大



性理羣書句解卷三

欽定四庫全書

子部

性理羣書句解卷四至七

詳校官監察御史<sub>臣</sub>邱文愷

侍讀<sub>臣</sub>孫球覆勘

總校官進士<sub>臣</sub>朱鈐

校對官編修<sub>臣</sub>于鼎

謄錄監生<sub>臣</sub>潘大武

欽定四庫全書

性理羣書句解卷四

宋熊節撰

熊剛大註

詩

感興十二首

此論六經散失已久千載之下惟有程伊川能繼孔子六經之絕學

文公先生

大易圖象隱

河圖卦象易之本也淫於術數之末學則易之圖象隱晦不明

詩書簡編訛

風賦



比興詩之義也牽於小序之臆說則詩之章旨訛謬而無當書者政事之紀僅存於口授壁藏之餘而虞夏商周之文訓詰誓命之禮樂矧交喪氏禮樂中和之教僅得於二戴作錯亂無考春秋魚魯多與夫春秋辨名分之書不

六律八音之節喪失無傳喪去聲春秋魚魯多與夫春秋辨名分之書不惟文字錯漏以魚為魯以

已亥為三豕如郭亡則書郭瑶琴空寶匣猶瑶琴空絃絕公夏五不書其月之類更多

將如何而其絃斷絕興言理餘韻千載之下慨言龍門有

遺歌惟其伊川先生得聖賢微意於殘編斷簡中而遺聲所播正如琴絃既斷今復接續也龍門伊川所居之地

感興十三首

此篇論顏曾思孟傳孔子之道亦惟能潛其心又重嘆後人之不能

顏生躬四勿

顏淵問仁夫子告之以非禮勿視聽言動顏淵躬行此四者

曾子曰三

省

曾子一日常以此三者省察其身為人謀不忠與朋友交不信傳不習

中庸首謹獨

思子

作中庸首明謹獨之戒謹獨者成謹於暗室屋漏獨處之時

衣錦思尚絅

如衣錦衣而思以絅

衣加其上謹之至也絅緇衣也絅火迴切

偉哉鄒孟氏

大哉鄒國孟軻氏

雄辯極馳

騁

騁肆口大辯極其馳騁於文字間

操存一言要

其論心學引夫子操則存一語至簡且要操平

聲

為爾挈裘領

為爾後學挈持綱領言得其要如挈裘領也

丹青著明訓

夫四

子之言炳如丹青著在聖經可為明法

今古垂煥炳

遠垂今古昭然可見

何事千載

餘

胡為千載之下

無人踐斯境

無人踐履到此地

感興十四首

此篇論是道之本原

元亨播羣品

元亨利貞乾坤之四德元者生理之始屬於春物於此而萌蘖亨者生理之通屬於

夏物於此而敷榮故曰播羣品

利貞固靈根

利者生理之遂屬於秋物於此而成實貞者生理之

成屬於冬物於此而歸根故曰固靈根

非誠諒無有

誠實理也故元亨為誠之通利貞為誠之

復苟非此誠則四者皆無有矣

五性實斯存

在人則五常之性實於此而存蓋人得天之元則為

吾性之仁得天之亨則為吾性之禮得天之利則為吾性之義得天之貞則為吾性之智五常不言信正以貫

乎四端是實有此理猶誠之貫乎元亨利貞也

世人逞私見

世人不不知本然實有之理順而存之

顧乃逞其私見鑿智道彌昏

矜其小智恣為穿鑿自以為有未見於道不知智愈鑿而道愈昏

若林居子

宜若隱居山林之士

幽探萬化原

探索幽隱而有以見萬化之原哉萬化原

即上文所謂誠也此章言異端詞章之學害道妨教故先發此以明吾道之本原也

### 感興十五首

此篇論仙學之失

飄飄學仙侶

飄飄然學仙之流

遺世在雲間

遺棄人世居雲山之閒

盜啓

玄命秘

既盜造化生生之權於秘密中

竊當生死關

氣合則生氣散則死復竊陰陽合散

之機以為長生不死之計關機也

金鼎蟠龍虎

用水火二鼎烹煉神州龍虎之氣交相蟠結龍

虎鉛汞也煉丹藥物也

三年養神丹

然煉丹之法非一日可成初年聚集材料次年燒煉而溫

養至三年而後可服

刀圭一入口

刀圭之藥纔入於口刀圭小刀頭尖處

白日生羽

翰則白日飛昇如生羽翼翰平聲

我欲往從之

朱子自言我欲往從學仙之侶於雲山間脫

屢諒非難

脫屣塵世想非難事屣屣也屣音徒

但恐逆天理

但恐違逆天理

偷生

詎能安

縱得長生心亦不安蓋有生有死天理之常吾儒之道生順死安天壽不貳修身以俟何必苦

欲偷生於天地間耶

感興十六首

此篇論佛學之非

西方論緣業

佛在西方其始也論人之受業皆有因緣

卑卑喻羣愚

言極卑下化誘

衆生愚民流傳世代久

流傳既遠世代既久

梯接凌空虛

漸入玄妙如梯之接陵駕

於空虛高遠中

顧瞻指心性

一瞻顧之間謂即心是佛見性成佛妄指其心性之妙

名言

超有無

一言語之際謂不淪於無不著於外不住中間與內外欲超於有無之外

捷徑一以

開便捷之徑一靡然世爭趨舉世靡然爭趨慕號空不

踐實相與談論於空虛寂滅之境不復脚躋彼荆榛塗

宜其應接酬酢觸事面牆正猶顛躓誰哉繼三聖誰能

子正人心息邪說上繼為我焚其書為我燒其書以絕

禹周公孔子之三聖此篇論大學之教

聖人司教化聖人任君師之黌序育羣材開闢學舍養

橫因心有明訓文以修道立教於天下善端得深培

使人自以涵養其德性而培天序既昭陳天序天叙之

養其善端善端仁義禮智也性理羣書句解

大定司馬公書

其五倫之典天叙以其人文亦塞開人丈人事之當然者亦秩其五禮之

文入文以其行於人而有節文也塞開塞舉而開示之也塞音牽云何百代下如何百世之下

學絕教養乖學既絕而教養之道又乖戾羣居競葩藻羣聚學舍不

麗藻之文追逐時好爭先冠倫魁攬先爭奪躡取高第倫魁狀元也淳風久淪喪

教日失俗日薄淳厚之風喪失無有擾擾胡為哉吾不知如是擾擾果何為哉蓋道者文之本文

者道之末古人當於本者加意故設學教育惟以天理人倫為重文藝之間特餘力游意云耳後世於末者用

工故設學教育惟以文詞葩藻為尚天理人倫曾不講明此朱子所以深嘆也

# 感興十八首

此篇論小學之教

童蒙貴養正

童穉之初貴養正性

遜弟乃其方

養正方法在於遜弟

是事

雞鳴咸盥櫛

雞初鳴時咸起而盥櫛髮盥音管櫛側匿反

問訊謹暄涼

適父母所敬謹問訊寒煖

奉水勤播灑

出而奉水勤於灑地

擁篲周室堂

擁抱篲

環掃室堂舊音遂

進趨極虔恭

進而趨父母之前極其恭謹

退息常端莊

退而

有休息之時常加嚴肅

劬書劇嗜炙

請書必勤劬甚於嗜炙之有味炙肉也炙音迨

見惡

逾探湯

見惡必遠避甚於探湯之可畏探平聲

庸言戒麓誕

庸常言語既以麓暴虛誕

為時行必安詳

平時舉動必以安穩詳謹為上

聖途雖云遠

聖人途轍雖是更遠

發軔且勿忙

發軔之初且勿忙迫言不可躡等軔車輪木發軔猶言行之始也軔音刀

十五



志于學

及其十有五歲志于大學

及時起高翔

涵養既久則及

是時也奮迅而起又孰能禦之哉蓋自十五志學至七十不踰矩有許多等級豈容躡等驟造耶

感興十九首

此篇借牛山之木形容仁義之心所當保養

哀哉牛山木

可傷牛山之木非美也牛山齊東南山

斧斤日相尋

而斧斤日尋繹

於上戕伐之

豈無萌蘖生

亦非無萌芽之生

牛羊復來侵

牛羊踐踏豈

得以遂其性哉

恭惟皇上帝

惟此天

降此仁義心

降衷於民莫不有此仁義之良

心物慾互攻奪

物慾之私交互攻奪

孤根孰能任

仁義之心僅存孤根孰能保養

以全其生乎蓋仁義之在人猶木之在山也善端之間發猶萌蘖之復生也私慾外邪斧斤牛羊也任保也

反躬良其背

是必反躬自省而良其背馬蓋人之一身四肢百體莫不與物相感惟背非聲色臭

味之所能動搖反躬良背所以止於內良止也

肅容正冠襟

肅其容貌正其衣冠所以防於外內

外交保養方自此

但保養之功方自此始

何年秀穹林

不知孤根生長何時

擢秀高出於林端乎

感興二十首

此篇論天道不言聖人無言後世多言之弊

玄天幽且嘿

天道不言幽深而默

仲尼欲無言

聖人亦欲無言

動植各生

遂

然天不言而萬物動植之微各遂其性

德容自清溫

聖人無言而容貌舉履之間威德著

形清和可即無非至教

彼哉夸毗子

彼有為大言以夸誕於世說言以阿附於人者彼外之辭

也

咕囁徒啾喧

樂人以口給如百鳥之聲徒兩

但騁言

詞好

但騁其外面言辭之美

豈知神鑒昏

要其胸中實無真見其於義理至道之歸全不

知也神鑒昏昧莫甚於此神鑒心也

曰予昧前訓

朱子自謂予亦昧前

坐

此枝葉繁

而坐此言語枝葉之繁多

發憤永刊落

自今發憤永刊落剷除也

奇功收一原

無事多言而收本原一貫之功不墮夸毗子咕囁啾喧之失也

酬南軒

此篇論太極之理萬化自出

文公先生

昔我抱冰炭

我文公自謂也昔我懷抱猶冰與炭黑白炭黑言其難也

從君識乾坤

君指南軒從南軒

始知太極蘊

初知太極之蘊奧

要眇難名論

要妙難於名狀謂有寧有跡謂其有又謂無復何存謂其無又

存惟應酬酢處惟於應酬萬事特達見本根無非是理

見其本萬化自此流故天地萬化千聖同茲源千聖授

皆指太極曠然遠莫禦雖其散處曠然惕若初不煩然

斂處則惕然整肅亦不煩雖曠以散云何學力微如何

於事而言惕以斂於心而言惕音勅欲達猶一線之水方

弱未勝物慾昏不能勝物涓涓始欲達欲流達言善端

之發已被黃流吞已為濁浪所吞併宜知一寸膠宜知

也有一寸救此千丈渾能止此千丈之渾水喻敬之一字

河東郡絳縣濟水伏流地中經過東阿取其  
井水資膠謂之阿膠用以攪渾濁之水則清  
勉哉共無

敦勉力共學此語期相敦此言更期相  
不可厭敦與崇篤也

送元晦

此篇述朋友相得之情元晦朱文公字  
也南軒與文公相友時文公過訪南軒  
宿留兩月於其歸  
也送之以詩如此

南軒先生

君侯起南服

君侯指文公公以南康守  
被召南康軍乃南方藩服  
豪氣蓋九州

之氣充塞九州

頃登文石陞

近者登文石之陞文石陞  
即御墀之石飾以采色

忠言動

宸旒

忠直之言  
上動旒冕

坐令聲利場

坐使馳逐聲名  
利慾之場者

縮頸仍包

羞

莫不縮頸  
包藏愧心

却來卧衡門

既又不合而歸  
却來隱卧衡門

無愧自日休

俯仰無愧盡收湖海氣盡收江湖之氣仰希洙泗游仰慕洙泗游泳

之樂不遠關山阻不以關山阻隔為遠來過訪也為我再月留且為我兩月之留

遺經得紬繹聖賢遺經既得相與敷繹心事兩綢繆二人心事合無間超然

會太極太極之理超然默會眼底無全牛眼底義理剖判如全牛無不解剝惟茲

斷金友言其同心堅如金可斷出處寧殊謀或出或處寧有異謀南山對牀

語南山之下匪為林壑幽非為貪林壑幽靜之趣白雲政在望望

雲飛遙想親歸袂風颼颼風吹歸袖颼颼然朝來出別語朝來

語相已抱離索憂已使我抱離羣索居之憂妙質貴強矯氣質雖美用強勉矯

揉精微更窮搜

理之精妙更求極心力而搜求

毫釐有弗察

毫毛之間不能致察

體用豈周流

求體或遺其用言用不及其體二者豈周徧流行乎

驅車萬里道

如譬

出車萬里之程

中途可停輶

既適中道豈可停其車而不往輶張流切

勉哉共無斁

相勉用功共宜無所厭數

邈矣追前修

則可往追前古之聖賢

此日不再得示學者

此篇論為學當在少年能擇向方

龜山楊先生

此日不再得

此日不可復得

頽波注扶桑

觀之海水倒流注八扶桑勢不容禦言光

陰之易過也扶桑日出之地

蹢蹢黃小羣

唐食貨志云人始生為黃四歲為小方為黃小之羣

戲舞蹢蹢

毛髮忽已蒼

今頭髮忽已蒼矣

願言媚學子

願言耽於學之人

共

惜此日光

同惜此日景之光

術業貴及時

習學術勵德業貴及其時

勉之在

青陽

勉力須在青春之年

行矣慎所之

發軔之初當謹所往

戒哉畏迷方

戒哉

畏慎不可昧其方所

舜跖善利間

為善則帝舜為利則盜跖介於善利之間

所差亦毫

芒

所差只毫毛耳

富貴如浮雲

不義而富且貴吾觀之如浮雲之輕

苟得非所臧

苟而取之不足為臧善

貧賤豈吾羞

貧賤不足為吾之恥

逐物乃自戕

而奔逐物

懲且自戕賊天理

胼胝奏艱食

昔伯禹勞苦手足播奏粒食胼胝皮堅厚也胼音駢胝音提

一瓢甘糟糠

顏回一瓢自樂甘味糟糠瓢勺類

所逢義適然

所逢之時義適然爾

未殊行與歲

道行則為禹不行則為顏所異者時不異者理

斯人已云沒

二人今已



逝簡編有遺芳簡籍具載晞顏亦顏徒晞慕顏子即要

在用心剛大要只在用譬猶千里馬譬如駿馬駕言勿

彷徨整駕云往宜能便驅馬日云遠驅馳鞭策則馬誰

謂阻且長誰說道路阻隔末流學多岐末流之學多分

倚門誦韓莊倚門誦習惟韓出入方寸間入耳出口出

雕鐫事辭章雕琢文章學成欲何用縱使其學有奔趨

利名場不過奔逐挾策博鑒遊故挾簡策以讀書志在

以圖利之人異趣均亡羊其志趣雖不同均為失其所

鑒音審博也守言戒較二人牧羊藏貪書

殺貪博俱亡  
其羊莊子

我懶心意哀

我懶而心  
意已衰

撫事多遺忘

臨事  
多忘

念子方妙齡

念爾方  
是少年

壯圖宜自強

欲圖大事  
盡自強之志

至寶在

高深

至貴之寶在山  
之高水之深處

不憚勤梯航

高處則不憚其高而  
勤於用梯深處則不

憚其深而勤於用航喻天  
理高深須強力求之也

茫茫定何求

否則茫然其  
遠又何所求

得安能常

縱或有得  
亦不可常

萬物備吾身

天賦萬善  
備在吾身

求得舍即

亡

求則得舍則  
亡舍上聲

雞犬猶知尋

雞犬放而人  
尚知求之

自棄良可傷

此心之放乃甘自棄  
而不復求誠可傷悲

欲為君子儒

欲為君子  
子之儒

勿謂予言狂

勿謂吾前  
所言之狂

七言短句

題大顛堂壁

此篇責韓愈開佛又與大顛交結之深

濂溪先生

退之自謂如夫子

韓文公自言其如孔子

原道深排釋老非

原道一篇

深斥老佛之失

不識大顛何似者

不知大顛和尚何所肖似

數書珍重更留

衣

數書佳復珍重其言及袁州更留衣服以為別

偶成

此篇借物形容勝陰消生意春融

明道先生

雲淡風輕近午天

雲淡風輕日影近畫此正陽明勝陰濁消之時也

傍花隨柳

過前川

依花隨柳閒過前溪取其生意春融與己一也傍去聲

旁人不識予心樂

邊旁之人又不將謂偷閒學少年未必不言偷片時閒  
知吾心之樂處學後生為花柳游也

### 謝王佺寄丹

此篇言丹藥之丹不如吾道之丹能壽一世

伊川先生

至誠通聖藥通靈

至誠一念可通乎聖故丹藥亦能通靈

遠寄衰翁濟病

身

速遠寄與年衰之老以濟其病身

我亦有丹君信否

吾亦有丹汝能信否蓋指儒道

言用時還解壽斯民

如有用我者則推吾之道濟斯民仁壽可也解去聲

### 莫春吟

此篇形狀隱居清閒之氣象

康節先生

林下居常睡起遲

山林下閒居睡起常遲

那堪車馬近來稀

況日來車

馬相過者甚少

春深晝永簾垂地

春老晝長簾垂於地此可見其靜定氣象

庭院無

風花自飛

庭院無風花自飛舞此可見其天理流行從容灑落氣象

芭蕉

此篇借物形容人心生生之理無窮

橫渠先生

芭蕉心盡展新枝

芭蕉之心已展開新枝猶人之為學已有新益矣

新卷新心

暗已隨

裏面又新卷藏方新之心已隨其後猶人心之義理無窮方其得新益之時又有新益存於其

間也願學新心養新德

願學芭蕉所卷之新心以養我德性所存之新益

旋隨新

葉起新知

又隨其所生之新葉于以起學問之新細玩此四句上兩句是狀物下兩句是體物新

心養新德尊德性工夫也新葉起新知道問學工夫也

橫渠先生觀物性之生生不窮以明義理之源源無盡學者當深味之毋徒以詩句觀也旋去聲

土牀

此篇形狀隱居不求  
溫飽清閒滿散之狀

橫渠先生

土牀烟足細衾暖

累土為牀地炊中烟火常足又  
有細為被可以暖體細音疇

瓦釜

泉甘豆粥新

瓦器為鼎及香甘之泉  
和豆煮粥可以充腹

萬事不求溫飽外

萬事不須求過分細衾可自溫豆  
粥可自飽既溫且飽外此何求

漫然清世一閒人

橫渠

自言我於清明之世不  
過一幽閒無事人耳

四子言志

此篇形容孔門諸子皆為功  
名所累惟曾點所樂者天理

藍田呂先生

函丈從容問且酬

孔門函丈雍容且問且答函丈席  
間可闢一大地容學者立足也

展

才無不志諸侯

各欲展布才能以  
伸其事諸侯之志

可憐曾點惟鳴瑟

惜

欽定四庫全書

性理羣書句解

曾點取瑟而鳴

獨對春風笑未休

獨向春風歌詠不已可見此心上達天德不為富貴利達

所動也

送劉戶曹

此篇言學者為文為學所累却不如顏子心齋無事

藍田呂先生

學如元凱方成癖

學如杜預元凱之註左傳方成癖好言嗜學之深也

文似相如

殆類俳

文似司馬相如殆類俳優言為文之麗也

獨立孔門無一事

獨立孔門之中

了無一事

只輸顏子得心齋

都輸却顏子此心齋莊忘情於世

禮儀

此篇論禮無先無後只當行者便行

藍田呂先生

禮儀三百復三千

記曰禮儀三百威儀三千言經禮曲禮之多也

酬酢天機理

必然

應酬萬事無非天機之動  
理之必然而不可闕者

寒即加衣饑即食

如寒之即

當加衣饑之  
即當進食

孰為末節孰為先

皆事也皆理也孰為末  
節孰為先務言精粗本

末莫非至理不可  
先傳而後倦也

勉謝自明

此篇論人之為學當在  
少年光陰能得幾度

龜山楊先生

少年力學志須強

少年勉力為學其  
立志須當自強

得失由來一夢長

其間或得或失都  
來如一夢長耳

試問邯鄲歌枕客

試問邯鄲側枕而  
睡之人邯鄲地名

邯音韓  
鄲音單

人間幾度熟黃梁

不知人生世間  
黃梁之久乎

此市乃鍾離

化呂洞賓為仙洞賓睡去夢中遍歷清要把麾持節及  
覺鍾離炊飯方熟故龜山援此以勉謝使之志於道義



母徒志於功名也

顏樂齋

此篇言隱居清閒雖無豫章羅先生

山染嵐光帶日黃

山染青藍之色又帶日光

蕭然茅屋枕池塘

蕭條茅舍

枕佳池塘枕去聲

自知寡與真堪笑

自知與人寡合真自可笑賴有顏瓢一

味長

恃有顏氏瓢飲味長

月臺

此篇形容隱居之狀

矮作牆垣小作臺

矮築牆堵小立一臺矮隘上聲

時邀明月寫襟懷

時約

明月吟詠胸懷

夜深獨有長庚伴

及夜深獨有長庚星與月相伴長庚西方星也

不許

庸人取次來

不許庸凡之徒容易到此蓋清幽之興須有好胸懷者方識得也

觀書

此篇形容本體清明之象

文公先生

半畝方塘一鏡開

半畝方塘如一鏡之開所以狀吾心之體也

天光雲影共

徘徊

天光雲影皆徘徊其間所以言萬理之涵具也

問渠那得清如許

問他安得清明

如此所以喻吾心之靜定昭明也

為有源頭活水來

蓋由源頭常有活水來耳程子有云

涵養須用敬人之一心能敬以養之則天理流行亦猶是也為去聲

觀書

此篇形容讀書窮理始疑終悟之意

昨夜江邊春水生

昨宵江之邊春水新長喻其讀書窮理忽有所得

蒙衝巨艦

一毛輕

蒙衝大船也如一毫毛輕喻其積年所闕之疑一旦釋然而悟艦音闕

向來枉費

推移力

向日枉費推挽撐移之力喻其向時未悟此理枉費心力推究推通回切

今日中流

自在行

今日中流帖然而行不勞餘力謂此理既悟徹上徹下畧無窒礙亦猶舟行中流而自在也

論啓蒙

此篇言復陽方動萬物皆春此詩當與邵堯夫復卦五言詩相參看

忽然半夜一聲雷

忽然於冬至夜交子之中氣一陽來復如一聲雷震於地下復卦坤上震

下象曰雷在地中復雷陽也言一陽生於下耳非真謂冬至夜有雷鳴也

萬戶千門次第開

陽主開一陽萌動則八卦三十六宮次第而開渾然春意萬戶千門言三十六宮詳見前堯夫觀物詩注

識無中含有象

當此時一陽雖動萬物未生沖漠無朕之中而萬象森然已具此所謂無中含

有象也若能識得此意

許君親見伏羲來

便許汝親見伏羲氏來  
蓋伏羲先天之圖載乾

坤始復處極妙已解見前

寄籍溪

此篇言出仕者固尊顯隱處者亦清高

先生去上芸香閣

秘書省謂之芸閣者蓋植芸草其中香可辟蠹籍溪當有此召而上芸香

閣閣老新我豸角冠

臺官冠豸角冠以其能觸撻邪物猶其彈劾羣官劉恭父以閣職而

戴豸角冠

留取幽人卧空谷

只留得我清幽  
一川風月要

人看

一川風月清白正  
要人看這些子也

寄籍溪

此篇謂富貴如浮雲吾終不為之動亦猶雲自舒卷而山色長青也

欽定四庫全書

卷四

甕牖前頭翠作屏

甕牖言牕之小其開明處只如甕大前面青山擁翠如屏晚來相

對靜儀刑

然山之體靜吾之性亦靜晚來相對爾然儀刑浮雲一任閒舒卷雲氣

生於山一任自舒自卷卷上聲

萬古青山只麼青

青山萬古只恁地青豈以浮雲而增損哉

此詩寄籍溪胡先生蓋是時秦檜當國籍溪為正字籍溪趨朝文公以其出非所當出故作詩譏之意謂富貴如浮雲吾終不為之動亦猶雲自舒卷而山色長青也

水口行舟

此篇形容人慾之波自在泛濫天理常常昭著

昨夜扁舟雨一蓑

昨夜扁舟遇雨沾泥蓑衣

滿江風浪夜如何

滿漢之中

無非風浪此夜將謂何如

今朝試揭孤蓬看

今朝早頭試揭開孤蓬看

依舊青山

綠樹多

青山綠樹不改舊觀蓋一夜之雨滿江風浪正猶人愁之波漲溢而青山綠樹不改舊觀明人

愁淨盡而天理著明學者詳味自有深長之意

詠開牕

此篇詠塞者既去明者自來

昨日土牆當面立

昨日土牆當面而立

今朝竹牖向陽開

今朝竹牖向日

而開謂向南而開亦得

此心若道無通塞

此心若云無通無塞

明暗如何有

去來

如何昨日牆立則塞而暗今朝牖開則通而明乎暗之去明之來是即明暗有去來也

七言長句

秋日

此篇形容心體高明超乎天地萬物之上外物不足為累

明道先生

閒來無事不從容

此心清閒則事事惟見其優游不迫

睡覺東牕日已紅

睡醒則東牕日色已紅覺音教

萬物靜觀皆自得

萬物散在天地間靜而觀之無非自得

四時佳興與人同

四時佳興春暖秋涼與自家意思一般

道通天地有形

外

道通天地有形之外致廣大也

思入風雲變態中

思入風雲變態之中盡精微也思去

聲

富貴不淫貧賤樂

處富貴不淫處貧賤而能樂

男兒到此是英雄

男兒到此地位豈不真豪傑也哉

和堯夫打乖吟

此篇形容堯夫居貧樂道雖混處塵俗而至德之容自使人畏

打乖非是要安身

打乖非是要安其身打乖堯夫自號

道大方能混世塵

道極其大方能混世塵而不汚陋巷一生顏氏樂顏居陋巷一生自樂清風千古

伯夷貧

伯夷清風千古一貧

客求墨妙多攜卷

客來求字多攜卷紙

天為詩

豪刺借春

天見詩興豪邁刺借春光即所謂壺中日月長多少刺占風光十二年之意

儘把

笑談親俗子

或笑或言儘將此親近世俗之人即上文所謂混世塵也

德言猶足畏

鄉人

至德之客自能使鄉里之人皆知敬畏

龍門道中

此篇言觀物達理泰然自處是非榮辱不足為吾累康節先生

物理人情自可明

物理人情顯然可見

何嘗感感向平生

一生之間未嘗

憂卷舒在我有成算

卷舒以道在我先有定畫卷上聲

用捨隨時無定



名用舍在人隨時而應初無定名滿目雲山俱是樂雲山蒼翠滿目無非可樂一毫

榮辱不須驚虛花榮辱雖毫毛不足驚異侯門見說深如海諸侯之門深雖

似海三十年前掉臂行向來已曾揚臂而行不屑見之此所謂榮辱不須驚也掉徒弔反

名利

此篇言求名利皆非樂事不如循理清樂自是無憂

名利到頭非樂事虛名虛利到底皆非可樂之事風波終久少安流如在

風濤中終久不能安穩稍鄰美譽無多取人當省悟稍近美處便勿貪取纔近

清歡與賸求纔有清樂處分外求之賸音甚美譽既多須有患美名之多必有

禍患即上文清歡雖賸且無憂清樂之多且是無憂滔滔天下曾

非樂事也

知否

天下滔滔於名利波濤中還知之否

覆轍相尋未肯休

前車覆后車又不復戒其

相繼尋未肯休止此所謂風波少安流也

閒行

此篇言悟易道消息之數則能安分自處一點閒氣不入胸中

長憶當年掃弊廬

長記當年掃開弊廬

未嘗三逕草荒蕪

三徑之中未嘗

有草荒穢其中欲為天下屠龍手

欲為天下施屠龍之手

肯讀

人間非聖書

肯誦讀世間非聖人所作之書

否泰悟來知進退

故以易卦觀否

則悟君子道消之機而知退觀泰則悟君子道長之機而知進

乾坤悟了識親疎

此以先天

圖言也乾居南在上較疎坤居北在下較親

自從會得環中意

環中即先天圓圖也自從

會得此環中之意

閒氣胸中一點無

消息進退皆有一定之理不由人造作亦惟順而安

之而已此所以胸中無一點閒氣也

天意

此篇言天道自然入當絕利慾之心以求造聖人之極致

天意無他只自然

天意無他只自然之理

自然之外更無天

自然之外

更無所謂天意

不欺誰怕居暗室

此心苟能誠實不欺何患居暗室中而不能謹獨

絕

利須求在一源

絕其功利之心專一從義理上尋求路徑

未喫力時猶有說

未曾著力時尚有假於論說之詳此乃博學詳說底意

到收功處更何言

及其功深力到

初何俟乎言語之及此乃無聲無臭底意聖人能事人難繼

天何言哉四時行百物生莫非

自然聖人能事亦猶是也雖常人難為繼及

無價明珠止在淵

然又未有不

價之至寶止在深淵之間惟盡心力以求之而已

極論

此篇言人生天地間只有百年必須反已以求至貴而為出人之事

下有黃泉上有天

下有地

人人許住百來年

天高地下人居其間

皆許住百年言百年舉成數也

還知虛過死萬遍

不能學聖人學為君子儒過一生則雖死

遍却似不曾生一般

却似不曾生此身則一般

要識明珠須巨海

故要

見光明之珠須於大海之中

如求良玉必名山

如尋至良之玉必須有名之山言欲求衆

理當求之此心

先能了盡世間事

先能全盡世間日用常行之道即三綱五常四端萬善也

然後方言出世間

然後方可言超出一世之表而有高見也

觀易

此篇言天以一為太極人以心為太極大人之理則一當充而廣之

一物原來有一身

人物生來各有一身

一身還有一乾坤

稟氣於天賦形

於地一身之中各具一乾坤之理

能知萬物備於我

苟知萬物之理皆會於我

肯把

三才別立根

肯將天地人三者別立根本

天向一中分造化

故天於太極中

以分造化一即太極

人於心上起經綸

人具太極之理於心萬事由此經綸一與心即上文

所謂立根也

天人焉有兩般義

曰天曰人皆不外乎太極又烏有兩樣義理

道不

虛行只在人

是道不能自行要在人元廣之耳

觀物

此篇言始復陰陽及八卦之數

耳目聰明男子身

此詩言陽貴陰賤人受形天地得為男子又耳聰目明

洪鈞賦

予不為貧

且其稟賦良厚萬物皆備於我可見天造之賦予不為貧薄矣苟不識造化之理寧不枉

做男人乎

須探月窟方知物

此又以先天圖言始卦一陰生於下月陰也窟指一

陰生處言也始卦處圖之上故言探非真以手探也須探始之月窟方知陰而賤者為物未躡天根

豈識人

復卦一陽生於下天陽也根指一陽生處言也復卦處圖之下故言躡非真以足躡也未履復

之天根豈識陽而貴者為人

乾遇巽時為月窟

乾與巽遇其卦為地姤此時是為月窟地

逢雷處見天根

坤與震逢其卦為復此處可以見天根

天根月窟閒來往

陽來陰往如循環然故堯夫又曰 三十六宮都是春

陽

弄環餘暇時往時來即此意也  
之來則融貫於三十六宮無非春意三十六宮乾一兌  
二則三宮也離三震四合三與四則為七則以三乘七  
十宮也巽五坎六合五與六為十一以十乘十一則二  
十一宮也艮七坤八合七與八則十五以二十乘十一則  
五則三十六宮也○三十六宮此就先天八卦圖者以  
八卦圖圖言之乾三畫坤六畫則數九也震坎艮各五  
畫則數十五也巽離兌各四畫  
此數十二也合之為三十六

### 首尾吟

此篇借物形容本體清  
明纖毫人慾不能感

堯夫非是愛吟詩

堯夫不是好吟詠詩句

詩是堯夫可愛時

詩是堯夫

自述其有可  
貴重之理

寶鑑造形難隱髮

如寶鑑之照則形之造  
馬雖毫髮不能隱前其

見善明也  
造去聲

鸞刀迎刃豈容絲

如鸞刀之利則刃而迎焉雖絲不容留喻其用心剛

也

風埃若不來侵路

譬之風埃若不來侵近道路

塵土何由上得衣

則塵土無因上身喻人若不為知誘物化則私欲亦不得以蔽其本心

欲論誠明是難事

欲言與理無不盡而本心無不照如聖人者真是難事誠實明照

堯夫非是愛吟詩重

堯夫不是好吟詩句只是欲詠其可愛之理耳

首尾吟

此篇言天理生生於中雖貧亦樂屈已下人雖貴何用

堯夫非是愛吟詩

堯夫不是好吟詩句

詩是堯夫先見時

詩是堯夫

自述其先見之明耳

直在胸中貧亦樂

直道在胸中雖處貧亦樂

屈於人下貴



奚為

若屈於人下則雖貴亦何用

誰何藥可醫無病

誰人有藥可醫無疾蓋言有先

見之明則不待病而後求醫藥也

多少金能買不疑

有多少金錢不買不疑言有先見之

明則物來能名事至能應自無所惑

遲老更逢春未老

今衰遲晚暮又逢春事未老則新功

猶未已

堯夫非是愛吟詩

重言堯夫不是好吟詩只是欲詠其先見之明耳

首尾吟

此篇言一心寬平皆好田地可以自適不必貪慕世間官爵

堯夫非是愛吟詩

堯夫不是好吟詠詩句

詩是堯夫恣縱時

詩是堯夫

自述其放曠樂天之意

在世上官雖不做

世上好官雖是不做

出人間事却

能知

出人間事却能先知

待天春暖秋涼日

直待天時春暖秋涼之日

正我東

遊西泛時

正我東邊遊翫西邊泛舟時節東遊以東方屬春也西泛以西方屬秋也

多少寬

平好田地

無限寬濶平坦好田地可以自樂世間人自擾擾不能識得

堯夫非是愛

吟詩

重言堯夫不是愛吟詩句只是欲詠其樂天之意耳

首尾吟

此篇言世人用詐則天下盡生疑心堯舜傳祚湯武革命皆非用詐天下信之

而不疑

堯夫非是愛吟詩

堯夫不是愛吟詠詩句

詩是堯夫愛物時

詩是堯夫

自述其與物無競之意

只被人間多用詐

只為世人多用詐譎

遂令天下盡

生疑

遂使天下之人莫不生疑心

唐虞揖遜三孟酒

胡不觀唐堯虞舜遜讓天下猶

飲三湯武交爭一局碁商湯周武爭取天下如看一局

亦無疑雖世人處事與此有大小不同而小大不同而已矣其不當用詐以召疑則

也一堯夫非是愛吟詩重言詩句是

首尾吟

此篇言凡事不可強為當知所止況吾身自有寬平田地天下亦有平坦路岐

正不消  
如此

堯夫非是愛吟詩

堯夫不是愛吟詠詩句

詩是堯夫不强時

詩自

自迷其不牽  
強作為之意

事到強為須涉迹

事到勉强作人能知止

是先機

人能知所止是為識照於幾先

面前自有好田地

眼面前自有寬平好田地

心下無事是也 天下豈無平路歧天下亦豈無平坦道路樂循理是也 省力事多

人不傲不費力之事極多人却不為是可惜也 堯夫非是愛吟詩重言堯夫不是

愛吟詠詩句只是詠其不牽強之意耳

首尾吟

此篇言其平生修身窮理所見高所處泰不為物慾昏撓

堯夫非是愛吟詩堯夫非是愛吟詩句 詩是堯夫喜老時詩是堯夫

自述其喜處 明著衣冠為士子分明著衣冠而為士子謂之明者服無奇衰無

峽崎也著 高談仁義作男兒縱談論仁義而謂之男兒大丈夫謂之高者口無繹

言無卑 敢於世上明開眼敢在世上洞開兩目辨是 肯

向人間浪皺眉

肯向人間妄皺雙眉戚憂  
蟬感乎此言所處之泰也

六十七年無

事客

六十七年之內此身客處天地間了無一事堯夫壽止於此

堯夫非是愛吟詩

重言堯夫不是好吟詠詩句所以詠其平生心體昭明  
不為物慾昏撓讀此數詩使人諷誦不已又有見康節  
是甚麼樣人  
後學當知之

西齋

此篇狀其隱居安  
貧不為利名所撓

西山蔡先生

數間茆屋環流水

茅屋數間流水  
環遶茆與茅同

布被藜羹飽煖餘

布素

之被以煖體藜  
藿之羹以飽腹

不向利中生計較

不向財利中  
妄生計較

肯於名

上著工夫

又不於名聲上  
過妄用工夫

牕前野馬閒來往

野馬塵埃  
也牕前任

其閒來  
閒往

天際浮雲自卷舒

天際浮雲聽其自然自舒借此以喻本心既定事物不能

為之

窮達始知皆有命

或窮或達我知皆有一定之命

不妨隨分老樵

漁

不妨隨吾之分樵於山漁於水以終我老

性理大全  
書句解卷四